

晉陽秋輯本







晉陽秋輯本

湯球輯

編主五雲王

編初成集書叢

本輯秋陽晉

中華民國二十六年六月初版

輯者 湯 球

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

中E八〇六

沈

(本書校對者殷彥常)

榮

三

晉陽秋輯本卷一

黔縣 湯 球輯

宣帝

宣王天姿傑邁。有英雄之略。世說注六

宣帝初不欲屈節曹氏。辭以風疾不能起。魏武使人往。微刺之。以觀信否。宣帝堅臥不動。御覽七百四十三

〔青龍二年〕諸葛亮寇于郿。據渭水南原。詔使高祖拒之。亮善撫御。又戎政嚴明。且僑軍遠征。糧運艱澀。利在野戰。朝廷每聞其出。欲以不戰屈之。高祖亦以爲然。而擁大軍禦侮於外。不宜遠露怯弱之形。以虧大勢。故秣馬坐甲。每見吞併之威。亮雖挑戰。或遣高祖巾幘。巾幘婦女之飾。欲以激怒。冀獲曹咎之利。朝廷慮高祖不勝忿憤。而衛尉辛毗。骨鯁之臣。帝乃使毗仗節爲高祖軍司馬。亮果復挑戰。高祖乃奮怒。將出應之。毗仗節中門而立。高祖乃止。將士聞見者益加勇銳。識者以人臣雖擁衆千萬。而屈於王人。大略深長。皆如此之類也。世說注三

諸葛武侯杖二十以上親決。宣王聞之。喜曰。吾無患矣。御覽六百五十一

有星赤而芒角。自東北往西南流。投於亮營。三投再還。往大還小。俄而亮卒。三國志亮傳注三十五。御覽七。

〔景初二年〕高祖伐公孫淵。過本縣。賜牛酒穀帛。郡守典農會墓次。父老故舊讌飲。高祖作歌曰。天地

開闢。日月重光。今遭一作遭際會。奉辭遐方。將掃逋穢。還過故鄉。肅清萬里。此句亦見書鈔。總齊八荒。告成歸

老。待罪舞一作武。陽樂府解題八十五。

〔嘉平元年〕曹爽等從駕謁高平陵。以太后令閉諸城門。司農桓範。字元則。出奔曹爽云。大司農印在

吾手中。所在得開倉而食。御覽二百三十二。勸諄許。昌。謂不憂穀食。爽不從。

〔乃誅曹爽〕初高祖勒兵闕下。經曹爽門。爽帳下督嚴世引弩將射高祖。孫謙在後牽止之。曰。事未可

知。三注三止。高祖車乃過。類聚六十四。御覽三百四十八。

景帝

正元元年。

〔九月廢芳立髦〕高貴鄉公神明爽儁。德音宣朗。景王曰。上何如主也。鍾會對曰。文高陳思。武類太祖。

景王曰。若如卿言。社稷之福也。三國志注四。

〔正元二年母邱儉文欽起兵擊敗之。欽奔吳儉走死〕景帝有目疾。文鴛之來攻。驚而目出。懼六軍恐。

蒙以被痛甚。齧被皆破。御覽七

文帝

〔甘露元年以盧毓爲司空固讓王祥不許〕王祥少有美德行。世說注

後母數譖祥。屢以非理使祥。弟覽輒與祥俱。又虐使祥婦。覽妻亦趨而共之。母患方盛。寒冰凍。母欲生魚。

祥解衣將剖冰求之。會有處冰小解。魚出。同上

〔文帝進相國以劉寔參相國軍事〕劉寔字子真。平原人。晉紀總論注

〔以王沈爲豫州刺史〕王沈檄唐彬爲治中別駕。忠肅公亮匡救違闕。盡規誨以納善。不顯諫以自彰。

當朝正色焉。書鈔

〔景元三年殺嵇康〕嵇康性不偶俗。文選五君詠注。案三國志卷二十一注。正元二年。司

〔而尙奇任俠與阮籍籍兄子咸山濤向秀王戎劉伶相友善號竹林七賢〕於時風譽扇於海內。至於

今詠之。世說注

阮嫂常歸家。籍相見與別。或以禮讓之。籍曰。禮豈爲我設邪。文選五君詠注

文帝親阮籍。恆與譚戲。任其所欲。不迫以職事。籍從容嘗言曰。平生曾遊東平。樂其土風。願得爲東平太

守帝大悅。即從其意。籍便騎驢徑到郡。至皆壞府舍。諸壁郭。使內外相望。然籍教令清整。當留十餘日。便乘驢去。御覽九百一。

〔母卒飲酒無異平日〕何曾於太祖坐。謂阮籍曰。卿任性放蕩。敗禮傷教。若不革變。王憲豈得相容。謂太祖宜投之四裔。以絜王道。太祖曰。此賢素羸病。君當恕之。文選山巨源絕交書注。

嵇康與東平呂安親善。世說注四。

安字仲悌。東平人。冀州刺史招之第二子。志量開曠。有拔俗風氣。世說注七。安與嵇康相友。每一相思。千里命駕。水經注。

安嫡兄遜。淫安妻徐氏。安欲告遜。遣妻以咨於康。康喻而抑之。遜內不自安。陰告安搗母。表求徙邊。安當徙。訴自理。辭引康。世說注四。

〔康及呂安事臨誅。作詩自責云。今愧孫登。〕康常見孫登。登對之長嘯。踰時不言。康辭還曰。先生竟無言乎。登曰。惜哉。三國志注十一。類聚十九略。御覽三百。

〔咸熙元年。姜維受後主敕降。鍾會後知。會有異志。說之反。斬會及維。〕盛以永和初。從安西將軍平蜀。見諸故老及姜維。既降之後。密與劉禪表疏說。欲僞服事鍾會。因殺之。以復蜀土。會事不捷。遂至泯滅。蜀人於今傷之。盛以爲古人云。非所困而困焉。名必辱。非所據而據焉。身必危。既辱且危。死其將至。其姜維

人於今傷之。盛以爲古人云。非所困而困焉。名必辱。非所據而據焉。身必危。既辱且危。死其將至。其姜維

之謂乎。鄧艾之入江由士衆鮮少。維進不能奪節。繇竹之下。退不能總帥五將。擁衛蜀主。思後圖之計。而乃反覆於逆順之間。希違情於難冀之會。以衰弱之國。而屢觀兵於三秦。已滅之邦。冀理外之奇舉。不亦

開哉。

三國志注
四十四

二月文帝進號爲王。太尉王祥獨長揖。王謂祥曰。今日然後知君見顧之重也。

御覽五百
四十三

（後主舉家遷洛陽封爲安樂公）他日司馬文王問劉禪曰。頗思蜀否。禪曰。此間樂不思蜀也。郗正見禪曰。若王後問。宜泣以對。會王復問。禪曰。先人墳墓。遠在隴蜀。乃心西悲。無日不思。王曰。何以似郗正語。邪。禪驚視曰。如尊命。

類聚三
十五

晉陽秋輯本卷二

武帝

泰始元年。

時魏刻薄奢侈。欲矯以仁儉。武帝令曰：殿前織成帷，不須施也。御覽七百

時有司奏御牛青絲鞞，斷以青絲爲牛鞞。詔可以青麻代之。御覽八百十四

泰始二年春，帝正月。史通模擬云：孫盛魏晉二陽秋，每年首必云：某年春，帝正月。因元年無正月，故標於此。

高安卿侯、夏侯佐卒，悼之，孫也。嗣絕，詔曰：悼，魏之元功，勳書竹帛，昔庭堅不祀，猶或悼之。況朕受禪於魏，

而可以忘其功臣哉！宜擇悼近屬，劭封之。三國志注九：類聚五十一。

給陳留王確一區。御覽七百六十二。

拜張華黃門侍郎。華有文雅之才，晉儀禮釐革制度，敕有司給筆札，多有損益。御覽六百六。

華博覽洽聞，無不貫綜。世祖嘗問漢事及建章千門萬戶，華畫地成圖，應對如流。張安世不能過也。世說注二

〔有司奏宜一用前代正朔服色奏可〕孫盛論曰：孔子修春秋，列三紀爲後王法，今仍舊非也。且晉爲

金行而服色尚赤。攷之古道。其乖違甚矣。通典五十五
宋禮志

〔帝于華林園宴射賦詩〕散騎常侍應貞詩最美。文選晉武帝華
林集詩注

〔貞璩子〕應璩作五言詩百三十篇。言時事頗有補益。世多傳之。文選百一
詩注

泰始三年春。帝正月。見上

〔立子衷為太子〕世祖疑惠帝不可承繼大業。遣和嶠荀勗往觀察之。既見。勗稱歎曰。太子德更進茂。不同於故。嶠曰。皇太子聖質如初。此陛下家事。非臣所盡。天下聞之。莫不稱嶠為忠。而欲灰滅勗也。世說
注三

泰始四年春。帝正月。見上

七月。立常平倉。豐則糴。歉則糶。以利民也。御覽一百
九十

〔帝給向雄酒禮使詣吳奮〕孫盛不與故君相聞。議曰。昔在晉初。河內温縣領校向雄。送御犧牛。不克呈郡。輒隨北送洛。值天大熱。郡送牛多渴死。臺法甚重。太守吳奮召雄與杖。雄不受。杖曰。郡牛者亦死也。呈牛者亦死也。奮大怒。下雄獄。將大治之。會司隸辟雄。都官從事數年。為黃門侍郎。奮為郎中。同省相避。不相見。武帝聞之。給雄酒禮。使詣奮解。雄乃奉詔。世說注三。案今晉書作向雄與劉毅事。世
說作向雄與劉淮事。惟王隱書與此同。

泰始五年春。帝正月。見上

泰始六年春。帝正月。見上

〔六年冬〕譙周卒。詔曰：朕甚悼之。賜朝服一具，衣一襲，錢十五萬。周息熙上言：周臨終囑熙曰：久抱疾，未曾朝見。若國恩賜朝服衣物者，勿以加身。當還舊墓道，險行難。豫作輕棺，殯斂已畢。上還所賜。詔曰：還衣服，給棺直。三國志注四十二。

〔十二月〕吳孫秀降。賜雲母車。御覽八

〔妻秀以姨妹蒯氏〕蒯氏，襄陽人。祖良，吏部尚書。父鈞，南陽太守。世說注八。

泰始七年春，帝正月。見上

〔三月〕裴秀薨。裴秀有風操，十餘歲時，人爲之語曰：後進領袖有裴秀。文選爲蕭揚州作薦士表注。

泰始八年春，帝正月。見上

吳拔西陵，羊祜救之不及，歸自江陵，務修德信，以懷吳人。吳陸抗與晉羊祜推僑札之好，抗嘗遺祜酒，祜飲之不疑。抗有疾，祜饋之藥，抗亦推心而服之。于時以爲華元子反復見于今。三國志注五十八。類聚八十一。御覽四百

三十

祜不附權貴，攻江陵，以軍法將斬王戎。王夷甫父又有簡書將免官，夷甫年十七，見所繼從舅羊祜申陳事狀，辭甚俊偉。祜不然之。夷甫拂衣而起，祜顧謂賓客曰：此人必將以盛名處當世大位，然敗俗傷化者，必此人也。世說注四。

〔庾純父孝不告供養賈充劾免官〕孫盛論云。若乃冢宰大臣。不以家事辭正事。折小全大。自非此族。固宜盡陟帖之恩。如匹夫之志。或不可奪。縱未裁抑者。孝子之心。何得忍而不言。純未嘗告。誠非也。通典六十八

泰始九年春。帝正月。見上

〔鄭袤薨〕袤字材叔。鄭泰子。泰與華歆荀攸善。見袤曰。鄭公業。泰字爲不亡矣。初爲臨菑侯文學。稍遷至光祿大夫。泰始七年。以袤爲司空。固辭不受。終于家。子默。字思光。三國志注十六

泰始十年春。帝正月。見上

〔四月荀顗薨〕荀顗字景倩。幼爲妹夫陳羣所異。博學洽聞。意思慎密。司馬宣王見顗奇之。曰。荀令君之子也。近見袁侃亦曜卿之子也。擢拜散騎侍郎。顗佐命晉室。位至太尉。封臨淮康公。嘗難鍾會。易無互體。見傳于世。顗弟粲。三國志注十

荀粲字奉倩。常曰。婦人者才智不足論。自宜以色爲主。驃騎將軍曹洪女有美色。粲於是聘焉。容服帷帳甚麗。專房宴寢。歷數年後。婦偶病亡。未殯。傅嘏往唁。粲不哭。神傷曰。佳人難再得。痛悼不已。歲餘亦亡。御覽

三百八十

粲亡時。年二十九。性簡貴實。不能與常人交接。所交者皆一時俊傑。至葬夕。赴者裁十餘人。皆同時知名。

士也。哭之感動路人。御覽五百五十卷。白帖。

荀粲曰：立象以盡意，非通乎象外者也。繫辭以盡言，非言乎繫表者也。象外之意，繫表之言，固蘊而不出。

丹鉛總錄。史籍類。

〔以山濤爲吏部尙書〕濤雅素恢達，度量宏遠，心存事外，而與時俛仰，嘗與阮籍嵇康諸人著忘言之

契。至於羣子屯蹇於世，濤獨保浩然之度。世說注六。

〔濤薦嵇紹爲祕書丞，紹應命而王裒三徵七辟皆不就〕王裒母性畏雷，及母死，每雷震，輒就墓側，啓

曰：裒在此，裒在此。類聚一。

阮咸行已多違禮度，濤舉爲吏部郎，世祖不許。世說注四。

杜預造河橋於富平津，所謂造舟爲梁也。水經注五。初學記六。

咸寧元年春，帝正月。見上。

八月丁酉，大風折大社樹，有青氣出焉。此青祥也。占曰：東莞當有帝者，明年元帝生。是時帝大父武王封

東莞，由是徙封琅邪。孫盛以爲中興之表，晉室之亂，武帝子孫無子遺，社樹折之應，又恆風之罰也。晉書五行

志二十。

咸寧二年春，帝正月。見上。

〔八月以陳騫爲大司馬〕騫字休淵。司徒矯第二子。無譽諤風滑稽而多智謀。仕至大司馬。世說注

咸寧三年春。帝正月。見上

〔以王戎爲豫州刺史〕戎爲兒童。鍾會異之。世說注

戎年十五。隨父渾在郎舍。阮籍見而悅之。每適渾。俄頃輒在戎室。久之乃謂渾。濬沖清尙。非卿倫也。戎嘗

詣籍共飲。而劉昶在坐。不與焉。昶無恨色。旣而戎問籍曰。彼爲誰也。曰。劉公榮也。濬沖曰。勝公榮故與酒

不如公榮。不可不與酒。惟公榮者。可不與酒。同上昶爲人通達。仕至袁州刺史。同上

戎爲豫州刺史。遭母憂。性至孝。不拘禮制。飲酒食肉。或觀棋弈。而容貌毀悴。杖而後起。時汝南和嶠亦名

士也。以禮法自持。處大憂。量米而食。然顛頓衰毀。不逮戎也。世說注世祖及時談以此貴戎也。同上

司隸校尉劉毅奏南郡太守劉肇以布五十疋雜物遺前豫州刺史王戎。請檻車徵付廷尉治罪。除名終

身。戎以書未達。不坐。同上

咸寧四年春。帝正月。見上

〔冬以衛瓘爲尙書令〕初。惠帝之爲太子。咸謂不能親政事。衛瓘每欲陳啓廢之。而未敢也。後因會醉。

遂跪牀前曰。臣欲有所啓。帝曰。公所欲言者何邪。瓘欲言而復止者三。因以手撫牀曰。此坐可惜。帝意乃

悟。因謬曰。公真大醉也。帝後悉召東宮官屬大會。令左右齋尙書處事。以示太子。令處決。太子不知所對。

賈妃以問外人。代太子對。多引古詞義。給事張弘曰。太子不學。陛下所知。宜以見事斷。不宜引書也。妃從之。弘具草奏。令太子書呈。帝大悅。以示權。於是賈充語妃曰。衛瓘老奴。幾敗汝家。由是怨瓘。後遂殺之。世說注五

〔程據獻雉頭裘焚之〕時御府令蕭譚承。徐循儀疏。作漆畫銀槃粉盃。詔殺之。御覽七百五十八。又七百六十。

咸寧五年春。帝正月。見上

馬隆討涼州虜。隆募限腰引弩四十六鈞。當作三十六鈞。則弓限四鈞已上。隆捶擲。音標立。標也。懸弓弩擲

側。閱試。自旦至日中。得三千五百人。御覽三百四十八。

肅慎來獻楛矢石弩。肅慎國。武帝時及元帝中興皆來貢獻。成帝時。又通貢於石季龍曰。每候牛馬向西

南眠者三年矣。是知大國所在。故來。事類賦注。牛類。

肅慎土無鹽鐵。御覽八百十三。

太康元年。

〔三月平吳改元〕王濬收其圖籍。領州四。郡四十三。一作四十二。皆誤。縣三百一十三。戶五十萬三

千。吏三萬二千。兵二十三萬。男女口二百三十萬。米穀二百八十萬斛。舟船五千餘艘。後宮五千餘人。三國

志注四十八。御覽三百七十四。

陸機、字士衡、吳郡人。祖遜、吳丞相。父抗、大司馬。機與弟雲並有雋才。司空張華見而悅之，曰：「平吳之利在獲二雋。」世說注

吳有葛道，一作衡字思真，明達天官，能爲機巧，改作渾天儀，使地居於中，以璇機動一作轉之，天轉而地

止。以上應晷度。三國志注六十三。御覽二又七百五十二。事類賦注一。書鈔。

〔五月封孫皓爲歸命侯〕孫盛曰：夫古之立君，所以司牧羣黎，故必仰協乾坤，覆燾萬物。若乃淫虐是縱，酷彼羣生，則天人殛之，勦絕其祚，奪其南面之尊，加其獨夫之戮。是故湯武抗鉞，不犯不順之譏；漢高奮劍而無失節之議。何者？誠四海之酷讎，而人神之所擯故也。況皓罪爲逋寇，虐過辛癸，梟首素旗，猶不足以謝冤魂，洿宮薦社，未足以紀暴迹，而乃優以顯命，寵錫仍加，豈龔行天罰，伐罪弔民之義乎？是以知僭逆之不懲，而凶酷之莫戒。詩云：「取彼譖人，投畀豺虎，聊譖猶然，矧僭虐乎？」且神旗電掃，兵臨僞窟，理窮勢迫，然後請命，不赦之罪，旣彰，三驅之義，又塞，極之權道，亦無取焉。三國志注四十。綱目。

〔封平吳功臣封羊祜夫人夏侯氏爲萬歲鄉君〕孫盛論曰：婦人之封，六國亂政。書鈔

〔十月胡威卒〕胡威，字伯虎，淮南人，少有志尚，勵操清白。父質，以忠清顯，質之爲荊州也，威自京都往定省之，家貧無車馬僮僕，自驅驢單行，拜見父，停廢中十餘日，告歸。臨辭，質賜威絹一匹，爲道路糧。威跪曰：「大人清高，不審於何得此絹。」質曰：「是吾奉祿之餘，故以爲汝糧耳。」威受而去，每至客舍，自放驢取樵炊。

饜食畢。復隨旅進道。往還如是。質帳下都督素不相識。先其將歸。請假還家。陰資裝百餘里。要之。因與爲伴。每事相助經營之。又少進飲食。行數百里。威疑之。密誘問之。乃知其都督也。因取向所賜絹。答謝而遣之。後因他信。具以白質。質杖其都督一百。除其吏名。其父子清慎如此。於是名譽著聞。歷位宰牧。及威爲徐州。世祖賜見。與論邊事。語及平生。帝歎其父清。因謂威曰。卿清孰與父清。對曰。臣清不如也。帝曰。何以爲勝汝邪。對曰。臣父清畏人知。臣清畏人不知。是臣不如者遠也。官至前將軍。青州刺史。太康元年卒。追贈鎮東將軍。威弟熊。字季象。征南將軍。威子奕。字次孫。平東將軍。並以潔行垂名。世說注一。二十七。類聚五。十五。八。

太康二年春。帝正月。說見前。

〔以樂廣爲太子舍人〕尙書令衛瓘見廣曰。昔者何平叔諸人役常謂清言盡矣。今復聞之於君。世說注四
樂廣善以約言厭人心。其所不知。默如也。太尉王夷甫。光祿大夫裴叔則。能清言。常曰。與樂令言。覺其簡至。吾等皆煩。同上

太康三年春。帝正月。見上

〔閏月李膺薨〕李敏將家入海。而復與子相失。敏子追求敏出塞。越二十餘年不娶。州里徐邈責之曰。不孝莫大於無後。何可終身不娶乎。乃娶妻生子膺。而遣妻。常如居喪之禮。不勝憂。數年而卒。膺生不識

父母及有識。蔬食哀戚。亦如三年之喪。以祖父不知存亡。設主奉之。由是知名。仕至司徒。三國志注八。

太康四年春。帝正月。見上

〔三月齊王攸薨〕齊王攸。字大猷。文帝第二子。孝敬忠肅。清和平允。親賢下士。仁惠好施。能屬文。善尺牘。初。荀勗。馮紆。為武帝親幸。攸惡勗之佞。勗懼攸或嗣立。必誅己。且攸甚得衆心。朝賢景附。會帝有疾。攸及皇太子入問疾。朝士皆屬目於攸。而不在太子。至是勗從容曰。陛下萬年後。太子不得立也。帝曰。何故。勗曰。百僚內外。皆歸附于齊王。太子安得立乎。陛下試詔齊王歸國。必舉朝謂之不可。若然。則臣言徵矣。侍中馮紆又曰。陛下必欲建諸侯成五等。宜從親始。親莫若齊王。帝從之。于是下詔使攸之國。攸聞勗間已憂忿。不知所為。入辭出。歐血薨。帝哭之慟。馮紆侍曰。齊王名過其實。而天下歸之。今自薨殞。陛下何哀之甚。帝乃止。劉毅聞之。故終身稱疾焉。世說注五。

〔以魏舒為司徒〕魏舒前宿人。適主人妻產。俄聞車馬之聲。問曰。男女。從者入反曰。男也。年十五。以兵死。又問寢者誰。曰。魏公舒。默然謝之。御覽三百六十一。

太康五年春。帝正月。見上

癸卯。二龍見武庫井中。帝觀之。有喜色。百官將賀。劉毅以為不祥。獨表曰。昔龍糝夏庭。禍發周室。龍見鄭門。子產不賀。孫楚上書曰。頃聞武庫井中有二龍。羣官俱謂之禎祥。而稱賀。或有謂之非祥。無所賀。可謂

楚既失之而齊亦未爲得也。夫龍或俯守鱗翼潛于重淵或仰攀雲漢遊于蒼昊而今蟠于坎井同伴于蛙蟆豈獨管庫之士或有隱伏廝役之賢沒于行伍故曰龍見光景有所感帝邪以上亦見占經一百二十帝答曰

朕德政未修未有以應受嘉祥遂不賀也孫盛曰龍水物也何與于天子產言之當矣但其所處實爲妖災夫龍以飛翔顯見爲瑞今則潛伏幽處非休祥也漢惠帝二年兩龍見蘭陵井中本志以爲其後趙

王幽死之象武庫者帝王威御之器所寶藏也屋宇邃密非龍所處是後七年藩王相害二十八年果有

二胡僭竊神器二逆皆字曰龍此之表異爲有證矣晉書五行志後論亦見玉海百八十三

太康六年春帝正月見上

〔劉毅卒毅常奏中正之設損政者八〕初陳羣爲吏部尙書制九格登用皆由于中正考之簿世然後

授任御覽二百十四玉海五十四

〔減百姓綿絹三分之一〕有司奏依舊編調房子睢陽綿絹武帝不許御覽八百十七又八百十八

太康七年春帝正月見上

甲寅朔日有食之乙卯又食又食二字疑衍詔曰邦之不臧實在朕躬公卿大夫極言其故太尉亮汝南王也司

徒舒司空瓘上言曰三朔之始日有食之伏陽節過而堅冰未消謹案經義曰日君道也父道也夫道也

君子道也陽勝陰氣之常今陽冰不消陰氣盛陰盛者臣擅君權也孝道不修也後宮過度也小人在位

也。開元占經九。

太康八年春帝正月。見上

戊申朔日又食太熙元年武帝崩之應。占經九。

太康九年春帝正月。見上

太康十年春帝正月。見上

〔四月朱整卒〕朱整少有名行官至中書監魏禪晉使整與中書令劉良共為詔世祖踐祚權即用之。御覽二百二十。

〔四月新廟乃成十一月庚寅梁又折〕孫盛論曰于時後宮殿有孽火又廟梁無故自折先是帝多不豫益惡之明年帝崩而王室頻亂遂亡天下。宋志二十。

〔太康末陸機入洛聞左思作三都賦與弟書曰此間有僉父欲作三都賦〕吳人以一作中州一作人為僉。世說注四玉篇人部。

〔後機見思賦絕歎伏〕孫盛曰左思造張載問岷蜀事交接亦疏皇甫謐西州高士擊仲治宿儒知名非思倫匹劉淵林衛伯與並蚤終皆不為思賦序注也凡諸注解皆思自為欲重其文故假借名姓也。鉛丹

總錄
十

太熙元年春帝正月。見上

〔魏舒卒舒子先亡〕魏舒子亡詔曰。唯有一息。足堪負荷。思所以散其憂懷。給陽燧四望車。一作給賜道車四望使出入觀望。散其哀懷。御覽七百七十五。事類賦注十六車類。

惠帝

永熙元年。四月即位。改元。

五月。以楊駿錄朝政。馮翊太守孫楚謂曰。公以外戚居伊霍之任。而不與宗室共參萬機。禍至無日矣。駿不從。綱目

永平元年春帝正月。見上

元康元年。三月。誅楊駿。改。

〔六年賈后殺衛瓘〕衛瓘字伯玉。清貞有名理。少為傅嘏所知。弱冠為尚書郎。遂歷位內外。為晉尚書令。司空。太保。惠帝初輔政。為楚王瑋所害。三國志注二十一。

〔以裴楷為中書令。加侍中。與右僕射王戎並管機要〕楷與王戎俱加儀同三司。世說注四。
元康二年春帝正月。見上

元康三年春帝正月見上

〔孫楚卒〕孫楚字子荆，驍騎將軍資之孫，南陽太守宏之子，鄉人王濟、豪俊公子也。為本州大中正，訪

問一作宏求楚為鄉里品狀。濟曰：此人非鄉評所能名，吾自狀之。曰：天才英特，一作博亮拔不羣。楚位至討

虜護軍，馮翊太守。楚子洵，潁川太守。洵子盛，字安國，給事中祕書監。盛從父弟綽，字興公，廷尉正。楚及盛

綽並有文藻，盛又善言名理，諸所論著，並傳于世。三國志注十四

楚為著作時就白社中見董京，載歸。董威輦字潛遁，去不知所之。于其寢所得一石及竹子，并詩二首。類賦五十一事。

元康四年春帝正月見上

〔傅咸卒〕司隸校尉傅咸勁直，王厲果於從政，先後彈奏百寮，王戎多不見從。文選晉紀總論注

元康五年春帝正月見上

〔王湛卒〕王深弟湛，字處仲，汝南太守。湛子承，字安期，東海內史。承子述，字懷祖，尚書令衛將軍。述子

坦之，字叔度，北中郎將。徐兗二州刺史。王昶子中，湛最有德譽，而承亦自為名士。述及坦之，並顯重于世。

為時盛門云。三國志注二十七

元康六年春帝正月見上

〔吳令謝詢表為孫氏置守冢人〕謝詢，河東人，終于吳令。文選本表注

張悛，吳國人也。爲太子庶子。元康中，吳令謝詢表爲孫氏置守家人。悛爲文詔從之。同上

張悛，字士然，少以文章與士衡友善。文選陸機答張士然注

元康七年春，帝正月。見上

〔周處及齊萬年戰敗死之〕處輕果薄行，州郡所棄。處仕晉爲御史中丞，多所彈糾。氏人齊萬年反，乃令處拒萬年，伏波孫秀欲表處母老。處曰：忠孝之道，何當得兩全？乃進戰，斬首萬計，弦絕矢盡。左右勸退，處曰：此是吾授命之日，遂戰而歿。世說注六

〔以王戎爲司徒無所匡救是時王衍尙清談〕衍字夷甫，能言，于意有所不安者，輒更易之。時號口中

雌黃。文選廣絕交論注

〔胡母彥國與王澄王敦庚數爲衍所昵號四友〕王澄有通朗稱，而輕薄無行，兄夷甫有盛名，時人許以人倫鑒識，常爲天下士目。曰：阿平澄第一，子嵩數第二，處仲敦第三，數以澄敦莫己若也。及澄喪，敦敗，數世譽如初。世說注五

皆以任放爲達，輔之嘗酣飲，子謙之厲聲呼曰：彥國年老不得爲爾，輔之笑呼入飲。彥國子謙之，字子光。世說補注

元康八年春，帝正月。見上

〔關中氏反諸將敗退乃遣孟觀討之〕振威盧播伐萬年。文選關中詩注

元康九年春帝正月。見上

〔孟觀獲齊萬年〕孟觀爲建威將軍擊氏羌于中亭大破之。文選關中詩注

永康元年春帝正月。見上

〔廢賈后殺張華裴頠賈謐黨與皆伏誅〕潘岳字安仁滎陽人夙以才穎發名善屬文清綺絕世蔡邕未能過也仕至黃門侍郎爲孫秀所害。世說注三

歐陽建字堅石渤海人有才藻時人爲之語曰渤海赫赫歐陽堅石初爲馮翊太守趙王倫爲征西將軍孫秀爲腹心撓亂關中建每匡正由是有隙。世說注八

永寧元年。四月改元 誅倫

正月乙丑趙王倫篡位樂廣與滿奮崔隨進璽綬。世說注五

〔三月齊王冏起兵討倫四月攻孫秀于中書省斬之〕孫秀爲趙王倫侍郎劉宏爲瑯琊內史廉秀于倫遂爲所信宏謂人曰孫秀校才其志難滿。書鈔

倫篡位秀爲中書令事皆決於秀爲齊王所誅。世說注六

六月齊王冏輔政士以牛酒郊勞平原王幹獨齎百錢于懷賀之。御覽一百五十一

平原王幹陰雨則乘輜車而入乘露車或問其故曰露者宜內也御覽七百七十五

〔復封常山王又爲長沙王〕荀邃字道元少喜談論解音樂後進諸賢莫逮驃騎將軍長沙王以爲參軍書鈔

大安元年十二月殺問改元

夏四月彗星晝見不行其占也占經八十九

〔十二月顯使又討問問敗斬之〕齊王起義葛旛轉長史既克趙王倫與董艾等專執威權問敗見誅世說注三

大安二年春帝正月見上

〔六月劉弘討張昌敗績〕以劉弘顧望除名爲民文選爲范尚書讓吏部封侯表注

弘以長史陶侃爲大都護據襄陽七月遣侃討張昌大破之侃父丹娶新淦湛氏女生侃湛虔恭有智算以陶氏貧賤紡績以資給侃使交結勝己侃少爲尋陽吏鄱陽孝廉范逵嘗過侃宿時大雪侃家無草湯徹所臥薦剉給陰截髮賣以供調逵聞之嘆息逵去侃追送之逵曰豈欲仕乎侃曰有仕郡意逵曰當相談致過廬江向太守張夔稱之召補吏舉孝廉除郎中時豫州顧榮或責羊暉曰君柰何與小人同輿暉曰此寒俊也世說注六

〔顯與穎舉兵反十月又大破之穎殺陸機〕機入晉仕著作郎至平原內史世說注

〔又討張方不克十一月穎逼京師驃騎主簿祖逖啓又使劉沈討顯又從之〕祖逖字士雅好俠每之

田舍輒稱兄命散穀帛以贈貧者御覽四百七十三

逖與司空劉琨俱以雄豪著名年二十四與琨同辟司州主簿情好綢繆共被而寢中夜聞雞鳴俱起曰

此非惡聲也每語世事則中宵起坐相謂曰若四海鼎沸豪傑共起吾與足下相避中原耳世說注

永興元年正月殺又改元永安七月幸鄴改元建武十一月幸長安復為永安十二月改元永興

〔正月樂廣卒〕成都王之起兵長沙王猜廣廣曰寧以一女而易五男廣女為成都王妃又猶疑之遂以憂卒

世說注

〔既殺又二月廢太子覃三月〕河間王顯表拜成都王穎為皇太弟御覽一百四十九

七月司空王戎高密王簡平昌公模等以大駕北征御覽一百四十九

十二月廢皇太弟穎立豫章王熾為皇太弟御覽一百四十九

惠帝詔曰天禍晉祚冢嗣莫繼鸞軫弗禦禁軍莫衛書鈔

〔以劉弘領荊州以鎮南土〕劉弘字叔和熙之弟也宏與晉世祖同年居同里以舊恩屢登顯位自靖至弘世不曠名而有政事才晉西朝之末弘為車騎大將軍開府荊州刺史假節都督荆交廣州諸軍事

封新城郡公。其在江漢。值王室多難。得專命一方。盡其器能。推誠羣下。厲以公義。簡刑獄。務農桑。每有興發。手書郡國。丁寧款密。故莫不感悅。顛倒奔赴。咸曰。得劉公一紙書。賢于十部從事也。以上八句。御覽五百九十類聚。時帝在長安。命弘得選用宰守。徵士武陵伍朝。高尚其事。牙門將皮初。有勳江漢。弘上朝爲零

陵太守。初爲襄陽太守。詔書以襄陽顯郡。初資名輕淺。以弘壻。夏侯陟爲襄陽。弘曰。夫統天下者。當與天下同心。治一國者。當與一國推實。吾統荊州十郡。安得十女壻。然後爲治哉。乃表陟姻親。舊制不得相監臨。事初勳宜見酬報。聽之衆。並服其公。當廣漢太守辛冉。以天子蒙塵。四方雲擾。進從橫計于弘。弘怒斬之。時人莫不稱善。三國志注十五。

永興二年春。帝正月。見上。

〔六月王戎薨〕戎多殖財賄。常若不足。或謂戎故以此自晦也。戴逵論之曰。王戎晦默于危亂之際。獲免憂禍。旣明且哲。于是在矣。或曰。大臣用心。豈其然乎。逵曰。運有險易。時有昏明。如子之言。則蘧瑗季札之徒。皆負責矣。自古而觀。豈一王戎也哉。世說注八。

七月。越與范陽王虓發兵。將西迎大駕。留睿以東平監徐州守。

〔下邳睿請王導爲司馬〕王導接誘。應會。少有悟者。雖疏交常賓。一見多輸寫款誠。自謂爲導所遇。同之舊暱。世說注二。

〔越承制以劉喬爲冀州使虓領豫州喬拒之〕劉喬有贊世志力惠帝末爲豫州刺史喬胄膺不顯貴

盛至今三國志注二十一

光熙元年六月至洛改元

〔四月越奉帝東還六月至洛八月以越爲太傅〕庾敳爲太傅從事中郎世說注五

〔越以數名重辟之〕數頽然淵放莫有動其聽者同上

〔十月范陽王虓薨長史劉輿誅穎〕劉輿字慶孫中山人有豪俠才算善交結爲范陽王虓所暱虓薨太傅召之大相委仗用爲長史世說注四

太傅將召劉輿或曰輿猶膩也近將汙人太傅疑而禦之輿乃密視天下兵簿諸屯戍及倉庫處所人穀多少牛馬器械水陸地形皆默識之是時軍國多事每會議事自潘滔以下皆不知所對劉輿便屈指籌畫計所發兵仗處所糧廩運轉事無疑滯于是太傅遂委仗之同上

〔十一月帝中毒崩〕惠帝崩由食餅也御覽八百六十

懷帝

永嘉元年春帝正月見上

〔七月以琅邪王睿爲安東將軍都督揚州〕祖逖爲汝南太守。值京師傾覆。率流民數百家南渡。行達泗口。安東拔爲徐州刺史。世說注三

〔睿用王導計。始鎮建業。以周玘、劉超等爲掾屬〕劉超。字世瑜。瑯邪人。漢城陽景王六世孫。封臨沂。慈鄉侯。遂家焉。父徵。爲瑯邪國上將軍。超爲縣小吏。稍遷記室掾。安東舍人。忠清慎密。爲中宗所拔。自以職在中書。絕不與人交關。書疏閉門。不通賓客。家無儋石之儲。世說注二

永嘉二年春。帝正月。見上

〔王彌寇洛陽。王衍敗之〕夷甫善施舍。父時有假貸者。皆與焚券。未嘗謀貨利之事。世說注五

永嘉三年春。帝正月。見上

〔以王衍爲太尉〕太尉王夷甫言。選者以弟澄爲荊州刺史。從弟敦爲青州刺史。澄、敦俱詣太尉辭。太尉謂曰。今王室將卑。故使弟等居齊楚之地。外可以建霸業。內足以匡帝室。所望于二弟也。世說注七

澄至鎮。日夜縱酒。不以寇戎爲懷。郭舒爲荊州別駕。諫刺史王澄。宜撫養文武。簡練士卒。以備不虞。不可輕佻。書鈔

永嘉四年春。帝正月。見上

〔周玘斬錢璿。睿以玘爲吳興太守〕吳興錢璿亂。玉篇上玉部

〔六月劉淵死聰代之〕聰一名載字玄明屠各人父淵因亂起兵死聰嗣業世說注八

〔五月石寇汲郡〕司冀青雍蝗茅草皆盡石勒與蝗競取民禾百姓謂之胡蝗類聚一百

永嘉五年春帝正月見上

太傅東海王越之東奔也石勒追之燬尸于寧平數十萬衆斂手受害勒縱騎圍射尸積如山王夷甫死

焉余謂後者所以智勝羣情辨者所以文身祛惑夷甫雖體荷鶴令口擅雌黃汙辱君親獲罪羯勒史官方之舉正諒為衰矣水經注二十二

夷甫將為石勒所殺謂人曰吾等若不祖尙浮虛不致于此世說注八

王夷甫論曰夫芝蘭之不與茨棘俱植鸞鳳之不與梟鴟同棲天理固然易在曉晤文選辨命論注

庾敳字子嵩潁川人侍中峻第三子恢廓有度量自謂是老莊之徒曰昔未讀此書意嘗謂至理如此今

見之正與人意暗同仕至豫州長史世說注三時越領豫州為石勒所害先是敳見王室多難知終嬰其禍乃作

意賦以寄懷同上

〔越之出也使河南尹潘滔居守〕潘滔字陽仲滎陽人太常尼從子也有文學才識永嘉末為河南尹

遇害世說注四

〔六月〕劉曜入于京都六宮幽辱文選晉總論注

懷帝陷于平陽御覽五百八十八

〔七月劉曜入長安〕征西將軍南陽王模出降。斬之。以模妃劉氏賜胡張平爲妻。文選晉紀總論注。

永嘉六年春。帝正月。見上。

劉聰加帝開府儀同三司。會稽郡公引帝入醢。謂帝曰。卿爲豫章王時。朕與王武子俱造卿。武子稱朕于卿。卿言聞名久矣。卿以所作樂府文示朕。曰。劉君聞君善詞賦。試爲看也。朕與武子俱爲盛德頌。卿稱善者久之。又引朕射于皇堂。朕得十二籌。卿與武子得九籌。卿又贈朕柘弓銀研硯。卿頗憶否。帝曰。臣安敢忘之。恨爾日不得早識龍顏。聰曰。卿家骨肉何相殘之甚。帝曰。此殆非人事。皇天意也。大漢將興。應乾受曆。故爲陛下自相驅耳。且臣家若能奉武皇帝之業。九族敦睦。陛下何由得之。聰甚有喜色。御覽五百八十八。

〔王敦殺其兄澄〕王澄爲荊州。羣賊並起。乃奔豫章。時敦方討杜駿。屯豫章。而恃其宿名。猶陵侮敦。敦使勇士路戎等搃而殺之。世說注三。

〔永嘉七年正月帝遇弑崩〕荀崧常謂人曰。懷帝天姿清劭。少有聲名。若遭承平之世。足爲守文佳主。而繼惠帝擾亂之後。東海專政。祿去王室。無幽厲之釁。而有犬戎之禍。悲夫。御覽九十八。

愍帝

建興元年。四月奉懷凶問。卽位改元。

〔睿以祖逖爲豫州刺史〕逖性通濟。不拘小節。又賓從多是桀黠勇士。逖待之皆如子弟。永嘉中。流民以萬數。揚土大飢。賓客攻剽。逖輒擁護全衛。談者以此少之。故久不得調。世說注

逖既有豪才。常慷慨以中原爲己任。乃說中宗。雪復神州之計。拜爲奮威將軍。四字依書補豫州刺史。使自

招募。逖遂率部曲百餘家北渡江。誓曰。祖逖若不能清中原而復濟此者。有如大江。同上

建興二年春。帝正月。見上

〔石勒復奉表于王浚〕石勒僞事王浚。浚遣勒塵尾。勒爲不執。置之于壁。朝拜之。云見王公所賜。如見公也。御覽七百三書鈔

建興三年春。帝正月。見上

建興四年春。帝正月。見上

晉陽秋輯本卷三

元帝

建武元年建興五年三月稱晉王改元

〔正月庚子〕虹長長當作彌天御覽十四下節皆作建興五年

三日並出此句亦見御覽四觀臺令史諫章曰天下其三分乎巫咸曰三日並見于房心下不出一年天下治有

磔地爲三州者開元占經六原作建武元年

〔七月大旱〕司冀青雍蝗茅草皆盡石勒與蝗競取民禾百姓謂之胡蝗類聚一百按類聚引作懷帝永嘉四年晉書作

建興五年故又附此以俟攷

太興元年三月奉愍凶問即位改元

太興二年春帝正月見上

〔修復山陵〕衡陽歐純者甚有巧思造竹木室作一婦人居其中人扣其戶婦人開戶而出當戶再拜還入戶內閉戶又作鼠市于中四方丈餘開有四門門中有一木人縱四五鼠于中欲出門木人輒以椎

樞之。一作輒推木掩之。門門如此。鼠不得出。此節亦見類聚九及白帖。又作指南車及木奴令舂穀作米。中宗聞其巧詔

補尚方左校。御覽七百五十二。

〔周訪斬杜曾〕王敦許周訪荊州。又授梁州。訪怒。敦書喻之。遺以玉盃。訪投盃于地。御覽七百六十。

太興三年春。帝正月。見上。

乙卯詔曰。吾雖上繼世祖。然於懷愍皇帝。皆北面稱臣。今祠太廟。不親執觴酌。而令有司行事。於情禮不安。可依禮更處。羣議不同。孫盛曰。陽秋傳云。臣子一例也。雖繼君位。不以後尊降廢前敬。昔魯僖上祠莊公。以友於長幼而外之為逆。準之古義。明詔是也。宋禮志。

〔閏月以周顛為尚書僕射〕顛字伯仁。有風流才氣。少知名。兼美姿容。終日正體巖然。雖一時儕輩。皆

無敢媠近。辟為太尉參軍。汝南賁泰。淵通清操之士。嘗歎曰。汝穎固多賢士。自頃陵遲。雅道殆衰。今復見

周伯仁。伯仁將祛舊風。清我邦族矣。舉寒素。累遷尚書僕射。世說注二又五書鈔。

初顛以雅望獲海內盛名。後屢以酒失。庾亮曰。周侯末年。可謂鳳德之衰也。同上七。

〔七月後趙兵退走。祖逖進屯雍邱〕逖攻城略地。招懷義士。屢摧石虎。虎不敢復窺河南。石勒為逖母

墓置守吏。劉琨與親舊言曰。吾枕戈待旦。志梟逆虜。常恐祖生先吾著鞭耳。世說注五。

〔十二月以譙王承為湘州刺史〕司馬承。字元敬。譙王遜子也。為中宗相。州刺史。路過武昌。王敦與燕

會。酒酣謂承曰。大王篤實佳士。非將御之才。對曰。焉知鉛刀不能一割乎。世說注八。

太興四年春帝正月見上

祖逖聞王劉構隙知大功不遂發病九月會其病卒先有妖星見豫州分逖曰此必為我也天未欲滅寇

故耳贈車騎將軍世說注五

永昌元年春帝正月見上

王敦起兵初敦與朝廷乖離錄有時望者謝鯤字幼輿陳郡人父衡晉碩儒鯤性通簡好老易善音樂以

琴書為業避亂江東為豫章太守王敦引為長史世說注三

敦將謀逆召諱王丞為軍司馬丞嘆曰吾其死矣地荒民解勢孤援絕赴君難忠也死王事義也死忠與義

又何求焉乃馳檄諸郡丞赴義世說注八

〔沈充應敦使周顓周筵等討之〕王敦既下六軍敗績顓長史郝嘏及左右文武勸顓避難顓曰吾備

位大臣朝廷傾撓豈可草閒求活投身胡虜邪乃與朝士詣敦敦曰近日戰有餘力不對曰恨力不足豈

有餘邪世說注四

顓為王敦所害同上二

周顓既遇害王彬哭之甚哀敦怒曰周伯仁凡人遇汝何為如此彬曰伯仁長者君之親友在朝雖無審

諤亦無所阿黨且加之極刑何痛如之左右見敦盛怒竊勸跪謝彬曰腳痛不能跪拜敦復曰腳痛孰與

頸痛。咸為失色。御覽三百七十二。

敦將還武昌。謝鯤勸敦朝天子。不從。鯤隨王敦下。入朝。見太子于東宮。語及夕。太子從容問鯤曰。論者以

君方庾亮。自謂孰愈。對曰。宗廟之美。百官之富。臣不如亮。縱意邱壑。自謂過之。世說注五。

〔沈充陷吳國。張茂遇害〕孔敬康、丁世康、張偉康、俱著名。時謂會稽三康。偉康名茂。常夢得大象。以問

萬雅。雅曰。君當為大郡而不善也。象。大獸也。取其音狩。故為大郡。然象以齒喪身。後為吳郡。果為沈充所

殺。世說注五。

敦陷湘州。譙王承死之。敦遣從母弟魏乂攻承王廩。使賊迎之。薨于車。敦既滅。追贈驃騎。諡曰愍王。世說注八

中宗性簡儉。冲素。有司嘗奏舊太極殿廣室施絳帳。元帝曰。漢文集上書。阜囊為帷。遂令冬可青布。夏可

青練帷帳。書鈔

昔秦始皇時。望氣者云。五百年後。東南金陵之地。有天子氣。於是始皇東遊。以厭之。改金陵曰秣陵。塹北

山以絕其勢。今建康即秣陵。西北界所塹。即建康南淮也。一作始皇於方山掘流。西入江。亦曰淮。今在潤州江寧縣。土俗亦號曰秦淮。以上

依類聚十。御覽六十一。吳人以為孫權帝之表也。盛案。始皇遊歲。至權僭號。四百三十七年。考之年數

既不合。校之。基守又非倫。豈應帝王之符。而見兆於上代乎。有晉金行。奄君四海。金陵之祥。其在斯乎。且

秦政東遊。至是五百二十六年。所謂五百年之後。當有王者也。真人之應。在於此矣。二句依本紀補。咸寧初。風

吹大社樹折。社中有青氣。占者以爲東莞有帝者之祥。由是徙封東莞王於琅邪。卽武王也。及吳之亡。王濬實先至建鄴。而皓之降款。遠歸鹽於琅邪。天意人事。又符中興之兆。上十二句。依本紀補。又孫皓將亡。吳郡臨蕪湖。一應草木自除。於湖邊得石函。中有小石青白色。長四尺。廣二寸餘。上有白帝字。時人莫察其祥。意者豈中宗興五湖之徵。水經注四十。引作元皇中。微五湖之石瑞。歟。太康三年。建業有寇。餘姚人任振。以周易筮之曰。寇已滅矣。後三十八年。揚州當有天子。又太安中童謠曰。五馬浮渡江。一馬化爲龍。永嘉大亂。王室淪覆。唯琅邪西陽汝南南頓彭城五王獲濟。至是中宗登祚。此節亦見類聚十三。先是歲鎮熒惑太白四星聚牛女之間。此亦見類聚十。識者以爲吳越之地。當興王者。二句依本紀補。五鐸又見於晉陵冥數玄感。若合符契焉。此亦見類聚十。

三。又初元石圖。有牛繼馬後。故宣帝深忌牛氏。遂爲二楹共一口。以貯酒。帝先飲佳者。以毒者酖其將牛金。而恭王妃夏侯氏竟通小吏牛欽而生元帝。亦有符云。御覽九十八。

明帝

明帝文武鑒斷。此句亦見書鈔。初在東宮。敬禮賢士。昵近明德。自王導、庾亮、溫嶠、桓彝、阮放。皆見親待。分好綢繆。雅好辭章。談論辨明理義。與二三君子並著詩論。粲然可觀。於時東宮號爲多士。御覽九十八。

太寧元年。三月改元。

〔轉温嶠爲中書令〕温嶠上疏曰。臣才短學淺。文義不通。中書之職。酬對無方。斟酌重輕。豈惟文疏而已。自非望士良才。何可妄居斯任。累辭得止。御覽二百二十

太寧二年春。帝正月。見上

〔敦殺其從事周嵩周楚〕嵩事佛。臨刑猶誦經。世說注三

義興周筵爲左率。轉尙書。遷大將軍。諮議參軍。御覽三百三十八

〔六月敦內向〕王敦將至。温嶠燒朱雀橋以阻其兵。世說注六

〔遣段秀等波水掩其不備。大破之。敦憤惋而死〕敦少稱高率。通朗有鑒裁。世說注六

〔劉遐又破沈充應奔荊州。王舒沈之於江〕王應字安期。舍子也。敦無子。養爲嗣。以爲武衛將軍。用爲

副貳。伏誅。世說注四

〔周光斬錢鳳自贖〕鳳字世儀。吳嘉興尉子也。好慝好利。爲敦鎧曹參軍。知敦有不臣心。因進說。後敦

敗。見誅。同上八

〔吳儒殺沈充黨平〕沈充字士居。吳興人。少好兵。諂事王敦。敦克京邑。以充爲車騎將軍。領吳國內史。

敦死。充將吳儒斬首於京都。世說注五

劉遐以討王敦有功。封零陽伯。爲義興太守。而受拜。及往還。朝莫有知者。其慎默如此。世說注二

太寧三年春帝正月。見上

王敦既平。思求民瘼。詔尚書令僕射尚書曰。吾飢於滄。直言渴於求亮正。想諸君達吾此懷矣。予違汝弼。堯舜之相君臣。吾雖闇度。晉書紀作吾雖虛闇庶。不距逆耳之談。稷契之任。諸君居之矣。望共勸之。御覽九十八

〔五月以陶侃都督荆湘等州軍事。復鎮荊州。〕侃練核庶事。勤務稼穡。雖戎陳武士。皆勸厲之。有奉饋者。皆問其所由來。若力役所致。權喜慰賜。若他所得。則呵辱還之。是以軍民勤於農稼。家給人足。性纖密好問。頗類趙廣漢。嘗課營種柳。都尉夏施盜拔武昌郡西門所種。侃後自出駐車施門。問此是武昌西門柳。何以盜之。施惶怖首伏。三軍稱其明察。侃勤而整。自強不息。又好督勸於人。常云。民生在勤。大禹聖人。猶惜寸陰。至於凡俗。當惜分陰。豈可遊逸。生無益於時。死無聞於後。是自棄也。又老莊浮華。非先王之法言。而不敢行。君子當正其衣冠。攝以威儀。何以亂頭養望。自謂宏達邪。世說注五

〔閏七月以左僕射荀崧爲光祿大夫錄尚書事。〕荀崧少有志操。雅好文學。孝義和愛。在朝恪勤。位至右光祿大夫開府三儀同司。三國志注十

〔以尚書鄧攸爲左僕射。〕攸字伯道。平陽襄陵人。七歲喪父母及祖父母。持重九年。性清慎平簡。世說一

成帝

咸和元年二月改元

〔四月鄧攸卒〕鄧攸既棄子遂無繼嗣爲有識傷惜世說注

〔阮孚求爲廣州〕阮孚字遙集陳留人咸第二子也少有智調而無儻異累遷侍中吏部尙書廣州刺

史世說注

咸和二年春帝正月見上

是時成帝在襁褓太后臨朝中書令庾亮以元舅輔政欲以風軌格政繩御四海而蘇峻擁兵近甸爲逋

逃藪亮圖召峻王導卞壺皆不欲亮曰蘇峻豺狼終爲禍亂晁錯所謂削亦反不削亦反遂下優詔以大

司農徵之峻怒曰庾亮欲誘殺我也世說注

十一月蘇峻作逆世說注

十二月詔庾亮都征討世說注

咸和三年春帝正月見上

峻率衆二萬濟自橫江至於蔣山王師敗績世說注

亮又與戰於建陽門外王師敗績亮於陳攜二弟奔溫嶠世說注

遂克京邑同上

平南温嶠聞亂號泣登舟遣參軍王愆期推征西陶侃爲盟主俱赴京師時亮敗績奔嶠人皆尤而少之

嶠愈相崇重分兵以配給之世說注八

五月蘇峻自姑孰至於石頭逼遷天子峻以倉屋爲宮使人守衛世說注六

〔九月攻峻於石頭斬之任讓立峻弟逸閉城自守〕任讓安樂人諸任之後隨蘇峻作亂世說注二

咸和四年春帝正月見上

〔匡術以苑降百官赴之劉超等謀奉帝出逸使任讓殺之〕時劉超遷右衛大將軍世說注二

〔二月討逸斬之殺任讓而原匡術賈寧〕匡術爲阜陵令逃亡無行庾亮徵蘇峻術勸峻誅亮遂與峻

同反峻逼居民聚之後以苑城降世說注四

賈寧字建寧長樂人賈氏孽子也初自結於王應諸葛璠應敗浮游吳會出投蘇峻峻甚暱之以爲謀主

峻敗先降仕至新安太守同上五

蘇峻既誅大事克平之後都邑殘荒温嶠議徙都豫章以卽豐全朝士及三吳豪傑謂可遷都會稽王導

獨謂不宜遷都建業往之秣陵古者既有帝王所治之表又孫仲謀劉玄德俱謂是王者之宅今雖彫殘

宜修勞來旋定之道鎮靜羣情且百堵皆作何患不克復乎終至康寧導之策也世說注二

咸和五年春帝正月見上

咸和六年春帝正月見上

丁巳會州郡秀孝於樂賢堂有麀見於前孫盛以為吉祥曰夫秀孝天下之彥士樂賢堂所以樂養賢也

自喪亂以後風教陵夷秀無策試之才孝乏四行之實麀興於前或斯故乎晉書五行志二十一

咸和七年春帝正月見上

咸和八年春帝正月見上

〔四月徵尋陽翟湯〕翟湯字道淵南陽人漢方進之後也篤行任素義讓廉潔饋贈一無所受值亂多

寇聞湯名德皆不敢犯世說注六

咸和九年春帝正月見上

〔以庾亮都督江荆等州軍事亮辟殷浩為參軍〕浩善以通和接物也世說注五

咸康元年春帝正月見上

咸康二年春帝正月見上

〔以虞潭為衛將軍〕虞潭翻子清真有檢操外如退弱內堅正有膽榦仕晉歷位內外終於衛將軍追

贈侍中左光祿大夫開府儀同三司三國志注五十七

〔二月立皇后杜氏〕杜乂字弘治京兆人祖預父錫有譽前朝乂少有令名仕丹陽丞蚤卒咸帝納乂

女爲后。世說注五。

咸康三年春帝正月。見上

地生毛近白祥也。孫盛以爲民勞之異也。是後石季龍滅而中原向化。將相皆甘心焉。於是方鎮屢革。邊成仍遷。皆擁帶部曲。動有萬數。其間征伐徵賦。役無寧歲。天下勞擾。民以疲怨。晉書五行志。原作咸康初。而下又云咸康三年六月地生毛。無說。疑是一事。故附此。宋志二十一。

咸康四年春帝正月。見上

亮欲起兵廢導。孫盛諫曰。王公常有世外之懷。豈爲凡人事邪。此必佞邪之徒。欲間內外耳。亮乃止。綱目注。

〔以導爲丞相〕時廬陵太守羊角疑郡人簡良等爲賊。殺一百九十人。徒謫百有餘人。有司奏角罪死。以景獻皇后有屬八議。帝曰。此古所無。何八議之有乎。未忍肆之市朝。其賜命獄所。琅邪王太妃山氏。角之甥也。詣闕請命。丞相以太妃爲言。於是減死罪。既出有疾。見簡良爲祟。旬日而卒。御覽二百六十二。

咸康五年春帝正月。同上

〔七月王導卒。常與亮共薦何充於帝。以充爲護軍。〕何充字次道。廬江人。導妻姊之子。明穆皇后之妹夫也。思韻淹濟。一作通。有文義才情。導深器之。由是少有美譽。世說注二。又五。

咸康六年春帝正月。見上

〔庾亮卒〕庾亮字元規。潁川鄆陵人。明穆皇后長兄也。淵雅有德量。時人方之夏侯太初。陳長文之倫。侍從父琛。避地會稽。端拱嶷然。郡人嚴憚之。覲接之者。數人而已。累遷征西大將軍。荊州刺史。世說注

咸康七年春。帝正月。見上

〔十二月陸玩卒〕陸玩孫遜從器量淹雅。位至司空。追贈太尉。三國志注五十七

咸康八年春。帝正月。見上

穀城縣民留珪。夜見門外有光。取得玉鼎。一圍四寸。廬江太守以獻。類聚九十九路史後紀十三

五月甲戌。有馬色赤如血。自宣陽門直走入殿前。旋盤走出。逐尋不知所在。已卯帝不豫也。六月崩。此經

九十八。依晉五行志補。

康帝

〔咸康八年十二月立皇后褚氏。徵后父裒為侍中。裒不願居中任事。乃除江州。〕裒簡穆有器。世說注五

建元元年春。帝正月。見上

〔庾翼移鎮襄陽。以庾冰都督荊江等州。徵何充錄尚書。〕初顯宗臨崩。庾冰議立長君。何充謂宜奉皇子。爭之不得。充不自安。求處外任。及冰出鎮武昌。充自京馳還。言於帝曰。冰不宜出。昔年陛下龍飛。使晉

德再降者。冰之勳也。臣無與焉。世說注四

〔冰性清慎〕荆州刺史庾冰中子襲。嘗貸官曹絹十疋。冰怒撻之。市絹還官。御覽八百七十一

建元二年春。帝正月。見上

九月帝崩。

〔十月庾冰卒〕庾冰。字季堅。太尉亮之弟也。少有檢操。兄弟常器之。曰。吾家晏平仲。累遷車騎將軍。江

州刺史。世說注四

〔翼還鎮〕翼率衆入沔。將謀伐狄。既至襄陽。狄尙強。未可決戰。會康帝崩。兄冰薨。留長子方之守襄陽。

自馳還夏口。同上

時東海哀王薨。踰年嗣王乃來。不復追服。詔國妃終三年之禮。孫盛以爲廢三年之禮。開偷薄之源。漢魏失之大者也。今若以丈夫宜奪以王事。婦人可終本服。是爲吉凶之儀。雜陳於宮寢。綵素之制。乖異於內外。無乃情禮俱違。哀樂失所乎。禮志蕃國寡務。宜各守聖典。可無疑矣。宋禮志

穆帝

永和元年春。帝正月。見上

皇太后設紗帷於殿，擁帝朝羣臣。書鈔

〔四月以會稽王昱錄尚書，昱以劉惔等爲談客〕惔尚廬陵公主，名南弟。世說注

〔七月庾翼卒，八月以桓溫都督荆梁等州，領荊州刺史〕習鑿齒爲桓溫荊州主簿，親遇深密。書鈔

〔溫以車胤爲從事〕車胤，字武子，家貧，讀書不常得油，夏月則練囊盛數十螢，以夜繼日。御覽二十一
事類賦注

四

羅友，字它仁，襄陽人，少好學，不持節檢，性嗜酒，當其所遇，不擇士庶，又好伺人祠，往乞餘食，雖復營署墟肆，不以爲羞。桓溫常責之云：「君太不逮，須食何不就身求？」乃至於此，友傲然不屑，答曰：「就公乞食，令乃可得。」明日已復無溫，大笑之。始仕荊州，後在溫府，以家貧乞祿，溫雖以才學遇之，而謂其誕肆，非治民才，許而不用。後同府人有得郡者，溫爲席起別，友至尤晚，問之，友答曰：「民性飲道嗜味，昨奉教旨，乃是首旦出門，於中路逢一鬼，大見擲揄云：『我只見汝送人作郡，何以不見人送汝作郡？』民始怖終慚，回還以解，不覺成淹緩之罪。」溫雖笑其滑稽，而心頗愧焉。後以爲襄陽太守，累遷廣益二州刺史，在藩舉其宏綱，不存小察，甚爲吏民所安說，薨於益州。世說注

永和二年春，帝正月。見上

〔己卯何充卒〕何充與王濛劉惔好尚不同，由此見譏於當世。世說注

充所暱庸雜。以是損名。同上何充性好佛道。崇修佛寺。供給沙門以百數。久在揚州。徵役吏民。功賞萬計。是以爲遐邇所譏。充弟準亦精勤。唯讀佛經。營治寺廟而已矣。同上

充累遷會稽內史。侍中驃騎將軍揚州刺史。贈司徒。同上

〔二月癸丑。以會稽王昱輔政。〕充之卒。議者謂太后父哀宜秉朝政。哀自丹徒入朝。吏部尙書劉遐勸哀曰。會稽王令德國之周公也。足下宜以大政付之。哀長史王胡之亦勸歸藩。於是固辭歸京。世說注

王胡之善於投壺。言手熟可閉目。御覽七百五十

〔十一月〕溫率所領七千餘人伐蜀。拜表輒行。世說注

永和三年春。帝正月。見上

〔三月桓溫平蜀。反。役薦譙秀。〕譙秀。字元彥。巴西人。譙周孫。熙性清靜。不交於俗。一作知將大亂。豫絕人事。從兄弟及諸親里不與相見。州郡辟命。及李雄盜蜀。安車徵秀。又雄叔父驤。驤子壽。辟命皆不應。常冠鹿皮。躬耕山藪。永和三年。安西將軍桓溫平蜀。反。役。上表薦秀。以上亦見文選注曰。臣聞大朴旣虧。則高尚之標顯。道喪時昏。則忠貞之義彰。故有洗耳投淵。以振元邈之風。亦有秉心矯迹。以愜在三之節。是以上代之君。莫不崇重斯軌。所以篤俗訓民。靜一流競。伏維大晉應符御世。運無常通。時有屯蹇。神州邱墟。三方圯裂。免置絕響於中林。白駒無聞於空谷。斯有識之所悼心。大雅之所嘆息者也。陛下聖德嗣興。

方恢天緒。臣昔承役。有事西土。鯨鯢旣縣。思宣大化。訪諸故老。搜揚潛逸。庶追武羅於羿。促之墟。想王蠋於亡齊之境。竊聞巴西譙秀。植操貞固。抱德肥遁。揚清渭波。於時皇極。遘道消之會。羣黎蹈顛沛之艱。中華有顧瞻之哀。幽谷無遷喬之望。凶命屢招。姦威仍逼。身寄虎吻。危同朝露。而能抗節玉立。誓不降辱。杜門絕迹。不面僞庭。進免龔勝亡身之禍。退無辟方詭對之譏。雖園綺之棲商洛。管寧之默遼海。方之於秀。殆無以過。於今西土。以爲美談。夫旌德禮賢。化道之所先。崇表殊節。聖哲之上務。方今六合未康。豺狼當路。遺黎偷薄。義聲弗聞。益宜振起道義之徒。以敦流遁之弊。若秀蒙蒲帛之徵。足以鎮靜頽風。軌訓囂俗。幽遐仰流。九服知化矣。三國志注 四十二。

〔十二月蕭敬文叛取巴西〕蕭敬文叛亂。譙秀避難宕渠川中。鄉人宗族馮依者以百數。秀年八十。衆人以其篤老。欲代之負擔。秀拒曰。各有老弱。當先營救。吾氣力自足。堪此。不以垂朽之年。累諸君也。後十餘年卒於家。三國志注 四十二。

永和四年春。帝正月。見上

〔溫旣滅蜀。威振朝廷。加溫征西大將軍〕桓溫入蜀。聞有善星者。後有大志。遂致之夜。獨執其手於星下。問國祚之修短。星人曰。世祚方永。太微紫微文昌三宮氣候如此。決無憂慮。五十年外。不論耳。溫不悅。明晚送絹一疋。錢五千文。以與之。以上亦見御覽 八百十七。星人乃馳詣主簿習鑿齒曰。家在益州。今受旨自裁。無

由致其骸骨緣君仁厚乞命爲標揭棺木耳。鑿齒問其故，星人曰：「賜絹一匹，令僕自裁，惠錢五千以買棺，故知之耳。」鑿齒曰：「君幾誤死，君嘗聞乎？知星宿有衣不覆之義乎？此以絹戲君，以錢供道中資糧，是聽君去耳。」星人大喜，明便詣溫別。溫問去意，以鑿齒言答，溫笑曰：「鑿齒憂君誤死，君定是誤活，徒三十年看儒書，如一詣不聚習主簿也。」類聚八十五。書鈔。占經六。

永和五年春，帝正月。見上。

〔趙王浹來降，陳遼進據壽春〕。遼爲西中郎將，領淮南太守，成疑作治。歷陽。世說注。

〔十二月，徐兗都督褚裒卒〕。褚裒，字季野，河南陽翟人。祖契，安東將軍。父治，武昌太守。裒少有簡貴之

風，沖默之稱。累遷江兗二州刺史，贈侍中、太傅。世說注。

〔荀羨監徐兗軍事〕。荀羨，字令則，潁川人。光祿大夫崧之子也。清和有識裁，尙公主，以主婚爲駙馬

都尉。少歷顯位，是時殷浩參謀百揆，引羨爲援。類菴義興吳郡，年二十八，超授北中郎將，徐兗二州刺史。

假節都督徐兗青三州諸軍事，以藩屏焉。以上亦見世說。卒於家，追贈驃騎將軍。羨

孫伯子，今御史中丞也。三國志注十。

永和六年春，帝正月。見上。

永和七年春，帝正月。見上。

王洽除中書令時年二十九將辭之從兄朗一作胡之遺書曰弟今二十九便居清顯要任敢不敬以先旨

為弟啓義讓之路焉若弟年至四五十之間雖復朝令超登公輔亦非吾所豫況降此以還者邪洽遂不

拜御覽二百二十

永和八年春帝正月見上

〔冉閔子智以鄴降〕冉閔大將軍蔣幹以傳國璽付河南太守戴施施獻之百僚皆賀璽光照洞徹上

蟠螭文隱起書一作文曰昊天或作受之命皇帝壽昌蓋秦舊物也石虎刻其旁曰天命石氏後漢與服志注書鈔

永和九年春帝正月見上

永和十年春帝正月見上

〔免揚州刺史殷浩為庶人〕初浩以中軍將軍鎮壽陽羌姚襄上書歸降後有罪浩陰圖誅之會關中

有變苻健死浩僞率軍而行云修復山陵襄前驅恐遂反軍至山桑聞襄將至棄輜重馳保護襄至據山

桑燒其舟實至壽陽略流民而還浩士卒多叛征西溫乃上表黜浩撫軍大將軍奏免浩除名為民浩馳

還謝罪既而遷於東陽信安縣世說注八

〔以王述為揚州刺史〕述少時貧約簞瓢陋巷不求聞達由是為有識所重世說注五

永和十一年春帝正月見上

〔以謝尙爲鎮西將軍鎮壽陽〕尙性通仆。一作善音樂。世說注六

尙率易挺達。超招令上也。世說注五

永和十二年春。帝正月。見上

升平元年春。帝正月。見上

〔謝尙卒〕謝尙。字仁祖。陳郡人。鯤之子也。齟齬喪兄。哀慟過人。及遭父喪。溫嶠唁之。尙號叫極哀。旣而

收涕告訴。有異常童。嶠奇之。由是知名。仕至鎮西將軍豫州刺史。世說注二

升平二年春。帝正月。見上

升平三年春。帝正月。見上

升平四年春。帝正月。見上

〔燕慕容暉立署王歡爲博士〕王歡耽學貧窶。或人惠蒸餅一顆。以充一日。妻子常有菜色。御覽八百六十

二月。鳳皇將九子見鄖鄉之豐城。御覽九百十五

冬。鳳皇復見豐城。衆鳥從之。御覽九百十五

升平五年春。帝正月。見上

哀帝

隆和元年春帝正月見上

興寧元年二月改元

〔五月加桓温大司馬都督中外〕王珣為桓温主簿。郗超為記室參軍。温並親待之。故府中為之語曰。

髯參軍。短主簿。能令公喜。能令公怒。超髯珣短故也。書鈔

興寧二年春帝正月見上

興寧三年春帝正月見上

海西公

海西公諱奕。字延齡。成帝子也。興寧中即位。世說注

太和元年春帝正月見上

太和二年春帝正月見上

〔以郗愔為都督徐兗等州軍事平北將軍徐州刺史〕後大司馬將討慕容暉。表求申勸平北將軍愔。

及袁真等嚴辦。悖以羸疾求退。詔大司馬領悖所任。世說注六

太和三年春。帝正月。見上

〔八月王述卒〕述體道清粹。簡貴靜正。怡然自足。不交非類。雖羣英紛紛。俊乂交馳。述獨蔑然。曾不慕羨。由是名譽久蘊。世說注五

太和四年春。帝正月。見上

〔四月大司馬桓溫帥衆伐燕慕容暉。袁宏作北征賦〕宏嘗與王珣伏滔同侍溫坐。溫令滔讀其賦。至致傷于天下。於此改韻云。此韻所詠。慨深千載。今于天下之後。便移韻於寫送之致。如爲未盡。滔乃云得益寫一句。或當小勝。桓公語宏。卿試思益之。宏應聲而益云。感不絕於余心。沂流風而獨寫。王伏稱善。世說

注三。案續晉陽秋云。宏從溫征鮮卑。作北征賦。

太和五年春。帝正月。見上

太和六年春。帝正月。見上

閏十月。榮惑守太微。端門。十一月。大司馬桓溫廢帝爲海西公。世說注二。明標太和六年。

帝少同闈人之疾。使宮人與左右淫通生子。大司馬溫自廣陵還。姑孰。過京都。以皇太后令廢帝爲東海王。後降封爲海西公。世說注七

簡文帝

咸安元年。太和六年十一月。卽位改元。

〔十二月温奏降東海王爲海西公〕桓温始以雄盛入輔。係以廢立。帝雖登祚。內不自安。初熒惑入太

微。尋廢海西公。至是熒惑猶在。太微帝惡之。謂郗超曰。命之修短。大當作所不計。故無復往日事邪。超云。

大司馬温方內固社稷。外布經略。非常之事。臣以百口保之。超假還東。帝謂之曰。致意尊公。國家一作家

之事。遂至于此也。以上五句。亦見文選。爲齊明帝讓宣城郡公表注。由吾不能以道匡樹。思患豫防。媿歎之深。言何能喻。又誦

庾闡詩云。士痛朝危。臣哀主辱。泣下沾衣。漣如相續。類聚十三。

咸安二年春。帝正月。見上

韓康伯年四十九。拜領軍。疾病。占候者云。不宜此官。固請徙之。御覽二百三十九

孝武帝

寧康元年春。帝正月。見上

〔二月桓温薨〕桓温。字元子。譙國人。爲琅邪王文學。後進大司馬。薨。文選注。

七月乙未。火犯軒轅大星。占經三十六。云應二年大赦。

九月癸巳。火入太微。掩西蕃上將。占經三十六。云應二年乃葬。

寧康二年春。帝正月。見上

癸未。大赦天下。占經三十六。云元年火犯軒轅之應。

己酉。晉書亦作己酉。當作乙酉。蓋正月無己酉。北中郎將徐兗。二州刺史刁彞薨。占經三十六。云元年火入太微之應。

二月丙申。太白犯歲星。占經二十一。云應太元元年遣軍救涼州。

寧康三年春。帝正月。見上

〔謝安領揚州〕袁宏爲東郡太守。謝安執宏手授扇。宏曰。謹當奉揚仁風。慰彼黎庶。御覽九。類賦注二。事

九月九日。上講孝經。謝安侍坐。陸納下耽執讀。謝石袁宏執經。車胤王混摘句。事類賦注五。賦

太元元年春。帝正月。見上

三月丁巳。流星大如斗。碗赤色。尾長二丈。起心星南五丈。經積卒。占經七十五。云應九月屯軍淮泗。

九當作七月。氏帥苻堅屠涼州。虜刺史西平張天錫。冬十月。車騎桓沖一作伊遣軍汎舟淮泗。又發二州縣

員吏移積流民。悉置淮南。占經二十。又七十五。云寧康二年太白犯歲星。及本年流星之應。

九月癸亥。熒惑犯哭泣。占經三十七。云應二年桓豁王彪之薨。

〔臺徵謝敷不就〕會稽謝敷字慶緒隱若耶山初月犯少微星少微一名處士星占者以隱士當之時戴逵名著于敷時人憂之俄而敷死故會稽人士嘲逵曰吳中高士求死不得死御覽七事類賦注二史通注三

太元二年春帝正月見上

七月乙亥填星搖占經三十八云應三年六月大水大角搖占經六十五云應三年作新宮移會稽邸

八月征西大將軍桓豁薨占經三十八云元年熒惑犯哭泣之應

十月尚書令王彪之薨占經三十八云元年熒惑犯哭泣之應

太元三年春帝正月見上

二月乙巳作新宮帝及二后移居會稽王邸占經六十五云二年大角搖之應

六月大水占經三十八云二年填星搖之應

五月原作五年疑誤辛卯歲星與太白相犯于東井十二月氏帥苻堅圍襄陽占經二十

太元八年春帝正月見上

十月及苻堅戰大敗之苻堅未敗之先長安市道側夜聞鬼哭彌月乃止占經一百八十三御覽八百八十三

慕容垂請至鄴拜墓苻堅許之權翼諫曰垂猶鷹也飢則附人飽則高颺每遇風塵之會嘗有凌霄之志

唯宜急其羈絆不可任其所欲堅不從果不返文苑繫傳二十四

太元九年春帝正月。見上

太元十年春帝正月。見上

王獻之爲中書令少而標邁不循常貫爲一時風流之冠獻之卒以王珉爲中書令世謂之大王令小王令也珉父洽又常爲此官珉復繼之時人以爲突世令望。初學記十一

太元十一年春帝正月。見上

六月甲午歲星晝見在胃占曰魯有兵臣強。占經二十三云應覆遼寇陳穎討走之

太元十二年春帝正月。見上

慕容垂寇河東翟遼使子釗寇陳穎朱序討之釗走渡河。占經二十三云十一年歲星晝見之應原作十二月誤

〔四月尊夫人李氏爲皇太妃〕初太宗諸子繼天諸姬絕孕令扈謙卜繇云後房當有女誕三男一女終大盛。三男當作二男于是盡出後宮及諸婢悉見之織紡中有一人色黑宮人謂之崑崙相者曰此是也帝

以大計幸之生烈宗。御覽三百六十

五月丙午癸惑出端門犯左執法。占經三十六云應十三

〔六月聘戴逵等〕逵不樂當世以琴書自娛隱會稽剡山國子博士徵不就。世說注六

十三年春帝正月。見上

丙午左將軍謝玄薨戊辰冠軍將軍桓石虎薨占經三十六云十二年癸感犯執法之應案

十一疑作月戊子辰星入月在胃本作晉濤水入石頭考曰春水冬大雪牛馬疾疫牛馬貴不出百日占

十二

太元十六年春帝正月見上

孝武好覽文藝敕著作郎徐野民廣字料簡四部書凡三萬六千卷書鈔

太元十七年春帝正月見上

以殷仲堪為荊州刺史仲堪以桓玄才地雄豪厚待之玄復豪橫士民畏之顧愷之尤好丹青嘗以一廚畫寄桓玄悉糊題其前玄乃發廚後而取之封題如初但失其畫直云妙畫通靈變化而去猶人登仙也

御覽七百十三

太元十八年春帝正月見上

王謐表殷允張敞郗儉之桓石秀是多書之家請祕書郎分局採借清河崔祖思死家無財有書八千卷上聞嗟嘆良久乃以葛屯穀五百斛賜其家曰葛屯亦吾之垣下令後知其見異御覽六百三十三

太元十九年春帝正月見上

〔慕容垂圍長子〕八月西燕慕容永遣子弘求救于雍州刺史郗恢獻玉璽一紐方六寸厚一寸七分

高四寸六分。與傳國璽同。送建業。唐六典注。

太元二十一年春。帝正月。見上。

安帝

隆安元年春。帝正月。見上。

八月乙巳。熒惑守井鉞。占經三十四。云應二年王恭等反。

隆安二年春。帝正月。見上。

〔王恭庾楷等反〕八月。以譙王尚之弟缺之爲振威將軍。守蕪湖。以備庾楷等。由是內外騷動。王恭慮禍難復。密要殷仲堪。桓玄同會京師。玄等皆嚮遣石頭。仲堪在蕪湖。朝廷驚駭。占經三十四。云元年熒惑守井鉞之應。

義熙元年春。帝正月。見上。

〔四月。劉裕旋鎮京口〕初。晉陵人韋叟。桓修令于坐相。劉公官當至州否。叟云。劉粗是有相人。當不失邊州刺史。旣出私于裕曰。卿大有貴相。向不敢極言耳。裕惡其言太略。答曰。卿狂言驗。當相爲司馬。義旗後數年。叟見裕。訴曰。周成不負桐葉之信。公不應忘司馬之言。今不希鎮軍府。聞護軍司馬缺。願賜卒恩。裕美而用之。御覽二百四十八。

義熙九年春帝正月見上

羣盜發下壺墓剖棺虜掠壺屍僵鬚髮蒼白面如生人兩手悉拳爪甲乃長達背焉御覽三七

義熙十四年春帝正月見上

恭帝

元熙元年春帝正月見上

〔王宏爲江州〕陶潛九月九日無酒坐宅邊菊叢中採摘盈把望見白衣人至乃王宏遣送酒即便就酌類聚

元熙二年春帝正月見上

知機其神乎古人以爲難交疏而吐誠今人以爲難御覽四

傅隆議曰其總章伎卽古之女樂文選爲顧彥先贈婦注

梁國張暉字義元爲郡吏入值太守圍棋投札于地暉曰知府君惠風取以支戶一作支太守輟棋令坐

御覽六百六書鈔上數節
不審陽秋何年故姑錄于末

續晉陽秋輯本卷一

陳仲弓從諸子侄造荀季和父子。於時德星聚。太史奏五百里內有賢人聚。世說注一

司馬文王問劉禪曰。頗思蜀否。禪曰。此閒樂不思蜀也。郗正見禪曰。若王後問。宜泣有以答。會王復問。禪

曰。先人墳墓遠在隴西。乃心西望。無日不思。因閉眼。王曰。何乃似郗正語邪。禪驚視曰。如尊命。御覽四百八十八

初文帝命荀勗賈充裴秀分定禮儀律令。皆先咨鄭沖。然後施行。世說注二

肅祖欲以溫嶠爲中書令。手詔曰。卿以令望忠允之懷。著於周旋。且文清而旨遠。宜居機密。欲卽爲中書

令。溫嶠上疏曰。臣才短學淺。文疏不通。中書之職。酬對無方。斟酌輕重。豈惟文疏而已。自非望士良才。

何可妄居斯任。累辭而止。初學記十一 類聚引疏

〔咸和時郗鑒命范宣爲主簿。不就。宣少尙隱遁。家於豫章。以清潔自立。世說注六

以上均引續晉陽秋。按孫盛晉陽秋。隋經籍志云。訖哀帝。則海西以下之事。疑是檀道鸞之書。檀書

稱續晉陽秋。則自從海西起。而哀帝以前之事。及此。疑是孫盛之書。皆係引者之誤。今欲更正而不能

也。故姑依其引錄。出而發明其誤。以俟後人。

續晉陽秋輯本卷二

穆帝

永和元年春。帝正月。孫盛魏晉二陽秋。每年首必書某年春。帝正月。此既云續陽秋。自從其例。

庾翼卒。何充薦桓溫代之。翼亦嘗薦於成帝曰。溫有雄才。勿以常培畜之。溫尙明帝女南康長公主。世說注六

〔以桓溫領荊州。溫以習鑿齒爲主簿。〕鑿齒。字彥威。少而博學。才情秀逸。溫甚奇之。自州從事。歲中三

轉至治中。世說注三。御覽一百六十三。按御覽書鈔引作檀道鸞晉紀。書

〔溫以車胤爲從事。〕胤。字武子。南平人。父育爲郡主簿。太守王胡之有知人識裁。見謂其父曰。此兒當

成卿門戶。宜資令學問。胤就業。恭勤博覽不倦。家貧不常得油。夏月。則二字一作日用。練囊盛數十螢。以夜繼

日焉。及長。風姿美劭。機悟敏率。桓溫在荊州。取爲從事。一歲至治中。世說注四。

〔羅友始仕荊州。後在溫府。〕襄陽羅友。家貧嗜酒。伺人祠祀。往乞餘食。在桓溫府。屢以貧乞祿。溫以其

誕肆。許而不用。同府人有得郡者。溫爲坐別。友亦被命。至尤晚。溫問之。答曰。民飲道嗜味。昨奉教。乃守旦

出門。於中路遇一鬼。大見耶。歛曰。見汝送人作郡。不見人送汝作郡。民始怖終慙。不覺淹緩。溫笑用之。

爲郡也。御覽四百九十八。又八百八十三。

〔己卯揚州刺史何充卒〕簡文輔政。引殷浩爲揚州。欲以抗桓。桓素輕浩。未之憚也。世說注五。

〔桓溫伐蜀至彭模留參軍孫盛將羸兵守輜重直指成都尅之李勢降〕孫盛善理義。時中軍殷浩。擅名一時。能與劇談相抗者。惟盛而已。世說注三。

〔溫旣滅蜀威震朝廷加溫征西大將軍〕桓溫入蜀。聞有善星者。後有大志。遂致之夜。獨執其手於星下。問國祚之修短。星人曰。太微紫微文星三宮氣候如此。決無憂虞。五十年外不論耳。溫不悅。遺絹一疋。錢五千人。詣習鑿齒曰。受旨自裁。乞命爲標。楬棺木。鑿齒問其故。星人曰。賜絹令僕自絞。乞錢買棺木。故知之耳。鑿齒曰。君幾誤死。君聞乎。知星宿有衣不覆之義乎。絹以戲君。錢供資糧。是聽君去耳。星人喜。以此言詣溫。溫嘆曰。君三年看儒書。不如一詣習主簿。占經十六。

〔加王洽爲中書令〕王洽。字敬和。拜中書領軍。尋加中書令。固讓。表疏十上。穆帝詔曰。敬和清裁貴令。昔爲中書郎。吾時尚小。數呼見。意甚親之。今所以用爲令。旣機任須才。且欲時時相見。共講文章。待以不臣之義。豈便任國之大事邪。宜推洽令拜。固讓。遂不受。類聚

王洽爲中書令。時年二十九。將辭免。兄王胡之遺之書曰。昔大將軍事故云。吾年二十九。在烏衣宅。諸文臺門詣謝。還北牕。床上悲歎云。今山二。山二字。宜合作巖。蓋歲字小寫作巖。求爲貧賤不可得。弟今二十九。便居清顯。

要任敢不敬以先旨爲弟啓義讓之路也。書鈔

〔以會稽王昱爲司徒〕許詢字玄度高陽人魏中領軍允玄孫總角秀惠衆稱神童長而風情簡素司

徒掾辟不就蚤卒。世說注

詢善能言理曾出都迎姊簡文皇帝劉眞長說其情旨及襟懷之咏每造邴賞對夜以繫日。同上

詢有才藻善屬文自司馬相如王褒揚雄諸賢世尙詩賦。一作賦皆體則風騷詩一作綜百家之言及至

建安而詩章大盛逮乎西朝之末潘陸之徒雖時有質文而宗師一作不異也正始中王弼何晏好莊子

一作玄勝之談而世遂貴焉至過江佛理尤盛故郭璞五言會合道家之言而韻之詢及太原孫綽轉相

祖尙又加以三世之辭而風騷之體盡矣詢綽並爲一時文宗自此作者悉體化。一作之至義熙中謝混始

改之。文選謝靈運傳論注世說注三

〔免殷浩爲庶人徙信安〕浩雖廢黜夷神委命雅詠不輟雖家人不見其有流放之戚外生韓伯始隨

至徙所周年還都浩素愛之送至水側乃詠曹顏遠詩曰富貴他人合貧賤親戚離因泣下。世說注

〔桓温伐秦進軍灞上〕咸陽王猛被緇袍而詣桓温面談當時之事猛摸蝨而言傍若無人温察而奇

之。御覽九百五

〔進謝尙鎮西將軍鎮馬頭〕袁宏字彥伯小字虎陳郡人魏郎中令煥六世孫也祖猷侍中父勛臨汝

令。世說注

虎少有逸才。文章絕麗。曾爲咏史詩。是其風情所寄。少孤而貧。以運租爲業。鎮西謝尚時鎮牛渚。乘秋佳風月。率爾與左右微服泛江。會虎在運租船中。諷詠聲既清會。辭又藻拔。非尚所曾聞。遂住聽之。乃遣問訊。答曰。是袁臨汝郎誦詩。卽其詠史之作也。尚佳其率有勝致。卽遣要迎。談話申旦。自此名譽日茂。世說注

〔桓温以謝安爲征西司馬〕初安家於會稽上虞縣。優游山林六七年間。徵召不至。雖彈奏相屬。繼以禁錮。而晏然不屑也。世說注

初安優遊山水。以敷文析理自娛。桓温在西藩。欽其盛名。諷朝廷請爲司馬。以世道未夷。志存匡濟。年四十起家應務也。同上

安不存小察。務盡弘長之風。文選王文憲集序注

哀帝

〔温以虛聲威朝廷。請遷都洛陽。孫綽諫温曰。何不尋君遂初而知人家國。〕綽雖有文才。而誕縱多穢行。時人鄙之。世說注

習鑿齒以忤旨左遷。戶曹參軍衡陽太守。在郢著漢晉春秋。斥温覬覦之心也。世說注三簿。因明年以此

·史道探·賸云·檀道鸞稱其當桓氏執政·故撰此書·欲以絕彼瞻烏·防茲逐鹿·

〔加溫大司馬以郗超爲參軍王珣爲主簿〕超有才能·均有器望·並爲溫所暱·世說注七·超少有才氣·越世負俗·不循常檢·時人爲一代盛譽者語曰·大才槃槃謝家安·江東獨步王文度·盛德日

新郗嘉賓·同上五·

珣學涉通敏·文高當世·用事於桓宣武·同上三·

珣初辟大司馬掾·桓溫至重之·常稱王掾必爲黑公·未易才也·同上·

海西公

〔桓溫伐慕容暉〕袁宏從溫征鮮卑·故作北征賦·宏·文之高者·世說注三·

宏長於作賦·爲大司馬記室參軍·後爲東征賦·悉稱過江諸名望·時桓溫在南州·宏語衆云·我決不及桓宣城·時伏滔在溫府·與宏善·苦諫之·宏笑而不答·滔密以啓溫·溫甚忿·以宏一時文宗·又聞此賦有聲·不欲令人顯問之·後遊青山·飲酌既歸·公命宏同載·衆爲危懼·行數里·問宏曰·聞君作東征賦·多稱先賢·何故不及家君·宏答曰·尊公稱謂·非下官所敢專·故未呈啓·不敢顯之耳·溫乃云·君欲爲何辭·宏卽答云·風鑒散朗·或搜或引·身雖可亡·道不可隕·則宣城之節·信爲允也·溫泫然而止·世說注三·

〔十一月桓入朝廢帝立會稽王昱〕桓溫旣以雄武專朝。任兼將相。其不臣之心。形於音迹。曾臥對親僚。撫枕而起曰。爲爾寂寂。爲文景所笑。衆莫敢對。世說注

〔揚言〕帝少同閹人之疾。而出比左右。初在東海琅邪。因親近嬖人相龍計好朱靈保等。並侍臥內。美

人田氏。孟氏遂生三男。衆致疑惑。然莫能審其虛實。至是將建儲武。大司馬桓溫因之以定廢立之計。遂率

百僚並還朝堂本省。溫平旦以衆入。分兵屯宮門。呈草於太后曰。今廢奔爲東海王。還第。供衛之儀。如漢

朝昌邑故事。丞相錄尙書事。會稽王昱體自中宗。明德劭令。民望依係。爲日已久。宜順天人。以統皇極。主

者明依舊典。以時施行。但未亡人不幸。罹此百憂。感念存沒。心焉如割。社稷大計。設不獲已。臨紙悲塞。如

何可言。時太后在佛屋燒香。內侍啓云。外有急奏。太后乃出堂倚戶前。視表數行。乃曰。我本自疑此。至半

便止。求筆題奏。後云。未亡人罹此自憂。感念存沒。心焉如割。溫奏未有此十五字。卽奏遂迴換內之。御覽

九

簡文帝

簡文帝諱昱。字道萬。中宗少子也。仁聞有智度。穆帝幼沖。以撫軍輔政。大司馬桓溫廢海西公立帝。世說咸安元年。以太和六年十一月。卽位改元。

〔溫忌武陵王暕表免其官有司承旨請誅之帝不許溫奏廢暕徙新安〕武陵王暕未敗四五年中喜爲挽歌自搖大鈴使左右唱和。初學記十四。御覽五百五十二。

〔十二月熒惑又逆行入太微〕桓溫始以雄盛入輔係以廢立帝雖登祚內不自安初熒惑入太微尋廢海西公至是猶在太微帝惡之謂郗超曰命之脩短本所不計故當無復近日事邪超云大司馬溫方內固社稷外布經略非常之事臣以百口保之超請假還東帝謂之曰致意尊公家國事一至於此由吾不能以道自衛思患預防愧歎之深言何能喻又誦庾闡詩云士痛朝危臣哀主辱因泣下。御覽九十九。

七月帝不預詔溫曰吾遂委頓足下便下冀得相見。御覽九十九。詔日夜四發溫不至立子昌明爲皇太子遺詔溫依周公居攝故事又曰少子可輔輔之如不可君自取之王坦之持詔於帝前毀之帝使改詔又詔曰不謂疾患遂至於此今者愒然勢不復久且雖有詔豈復相及慨恨兼深如何可言天下艱難而昌明幼冲眇然非阿衡輔導之計當何以寧濟社稷國事家計一託之於公。御覽九十九。

帝崩帝外壓彊臣憂憤不得志在位二年而崩。世說注二。

帝以太興三年生弱而慧異中宗深器焉及長美風姿好清言舉止端詳器服簡素與劉惔王濛等爲布衣之遊。以上亦見類聚十三。由登庸歷位散騎常侍右將軍撫軍將軍以懿親民望任登宰輔值穆帝幼冲母后

臨朝。桓溫有平蜀洛之勳。擅強西陵。帝于家國之寄。具瞻所歸。而自斷一作文弱。無以抗之。陳郡人殷浩。素有盛名。時論比之管葛。又琅邪王洽。丞相導之子。既是名公子。少有聲望。乃以一作浩爲揚州刺史。洽爲長史。徐州刺史葛羨亦以清貴居藩。同心憂國。溫見此樹置。知意在抗己。甚忿焉。此節亦見世說注五。溫既以雄武專朝。任兼將相。悉衆北討。以成樂推之勢。乃枋頭奔敗。知民望之去。乃屠豫州刺史袁真于壽陽城。既而問郗超曰。足下何以雪枋頭之恥乎。超因說溫以廢立之事。溫既宿有此謀。深納超言。既廢昏立明。民人悅服。然恭己南面。政自溫出。帝性韻深沉。雅有局鎮。嘗與太宰武陵王晞。桓溫同乘至板橋。溫密敕令無因而鳴角鼓譟。部伍並皆驚馳。溫一作爲駭異。晞大震驚。急求下車。帝舉止自若。音顏無變。溫每以此稱其德量。故論者謂溫服憚之深也。此節亦見世說注四。若假帝脩年。則溫篡逆之圖絕矣。御覽九十九。

孝武帝

二月。溫來朝。大陳兵衛。延見朝士。郗超臥帳中。聽其言。風動帳開。安笑曰。郗生可謂入幕之賓。超謂溫雄武。當樂推之運。遂深自委結。溫亦深相器重。故潛謀密計。莫不預焉。世說注四。七月。桓溫卒。大司馬府軍中人朱興妻周息男道扶年三歲。先得痲病。因其病發。掘地生埋之。爲道扶姑。雙文所告。正周棄市刑。徐羨之議曰。自然之愛。虎狼猶人。周之凶忍。宜加顯戮。臣以法律之外。故當宏濟。

物之理。愚謂可特原母命。投之遐裔。從之。御覽七百四十。

二原該。月丁巳。有星孛于女虛。芒長四尺。西南指。占經八十九。云應後苻堅。屬涼州及移流。民于淮南。

〔詔謝安總中書〕謝安初攜幼穉同好。養志海濱。襟情超暢。尤好聲律。然抑之以禮。在哀能制。弟萬之

喪。不聽絲竹者將十年。及輔政。而修室第園館。麗車服。雖期功之慘。不廢妓樂。王坦之苦諫焉。世說注五。

三月丙戌。彗星出氐亢。移及角軫翼張。長十丈。東北指。占經八十九。云應後天門。蛋攻郡。桓石虔破姚萇。

十一月己酉。天門蛋賊攻郡縣吏民。占經八十九。

癸酉。太白掩熒惑在營室。時威晉紀作遠將軍桓石虔破羌賊一作氐賊。蓋時苻堅將也。姚萇于墊江。占經二十

九

正月大赦。占經八十九。大赦二字。原誤作丁未。

〔五月王坦之卒〕坦之雅貴有識量。風格峻整。世說注五。

謝朗。字長度。安次兄。據之長子。安蚤知之。文義豔發。名亞于玄。仕至東陽太守。世說注二。

〔徙謝安領揚州刺史。安以袁宏為東陽郡〕宏起家建威參軍。安南司馬記室。太傅謝安賞宏機捷。一作

機對機對。辯速。自吏部郎出為東陽郡。乃祖之于治亭。時賢皆集。安欲卒迫試之。執手將別。顧就左右取一扇。

授云。聊以贈行。宏應聲答曰。輒當奉揚仁風。慰彼黎庶。合坐稱其率而當。一作歎其性直亮。故位不顯也。

在郡卒。世說注二。御覽七百二。

八月立皇后王氏。大赦天下。占經八十九。

九月九日。帝講孝經。僕射謝安侍坐。吏部尚書陸納兼侍中。不耽執讀。黃門侍郎謝石。吏部袁宏兼執經。

中書郎車胤。丹陽尹王混摘句。世說注二。御覽三十二。

五月。氏苻堅遣偽帥毛當苟池。苻寇。二字原作。逼西涼州。九督紀作。月。屠涼州。虜刺史西平公張天錫。送于堅

所。冬十月。車騎桓冲遣諮議參軍淮南太守劉波汎舟淮泗。乘虛致討。以救涼州。又發三州官吏。移諸流

民。悉置淮南也。占經八十九。二引。云寧康二年有星孛及彗星之應。

〔臺徵謝敷不就〕謝敷字慶緒。會稽人。崇信釋氏。初入太平山中。十餘年。以長齋供養為業。招引同事。

化納不倦。以母老還南山。若耶中。內史郝憎表薦之。徵博士不就。初月犯少微星。少微一名處士星。占云。

以處士當之時。戴逵居剡。既美才藝。而交游貴盛。先敷著名。時人優之。俄而敷死。會稽人士以嘲吳人云。

吳中高士。便是求死不得。世說注六。御覽五百四。初學記。

四月戊戌。太白入輿鬼。占經五十。云應四。年襄陽等城陷。

〔郝超卒〕超黨戴桓氏為其謀主。以父愔忠于王室。不令知之。將亡。出一小書箱付門生云。本欲焚此。

恐官年尊。必以傷愆為斃。我亡後。若大損眠食。則呈此箱。愔後果慟悼成疾。門生乃如超旨。則與桓溫往。

反密計。愔見卽大怒曰：「小子死恨晚，後不復哭。」世說注六

羣議以吳隱之爲黃門郎，而隱之貌似太宗，上不忍見，故改焉。御覽三百九十六

詔賜會稽王祕閣書八千卷。書鈔

三月庚辰，夜流星大如三斗器，尾長三丈，從七公西行至招搖，須臾轉還東行，至貫索而沒。六月苻堅遣

其子丕等十餘萬人，五道寇襄陽。占經七十三

〔進道子驃騎以謝重爲長史，謝重字景重，陳郡人，父朗，東陽太守，重明秀有才，會終驃騎長史。〕世說注二

九月，太白晝見在角。占經四十六。云應五年皇后王氏崩。

辛酉，大赦天下。占經七十三

二月，襄陽城陷。占經五十。云二年太白入輿鬼之應。

習鑿齒以足病廢于里巷，苻堅滅樊鄧，素聞其名，與釋道安俱而致焉，與語大悅，以鑿齒蹇堪半丁，與諸

鎮書曰：晉氏平吳，利在二陸，今破漢南，得士一人半耳。御覽引晉春秋與此少異

習鑿齒嘗造道安，譚論自贊曰：「四海習鑿齒，道安應聲曰：彌天釋道安，咸以爲妙對。」世說注

四月，魏興城崩。五月，彭超攻陷盱眙城。占經五十。云二年太白入輿鬼之應。

五月丁酉，太白犯東井。占經五十。云應八月韓伯卒。

六月雷震二字一作霹靂。含章殿四柱并殺內史二人。占經一百單二。御覽八百七十六。一誤作太興元年。

以道子為司徒。桓玄嘗詣會稽王道子已醉。對玄張眼。屬四座云。桓溫作賊。玄見此辭。伏席流汗。不能起。

謝重正色曰。故大司馬公廢昏立明。功全社稷。風塵之論。宜絕聖聽。御覽三百八十七。書鈔。又四檀道鸞論

之曰。道子可謂易于由言。謝重能解紛紜矣。世說注

七月丙子。辰星犯填星。占經二十二。云應十。月水災六年大水。

八月己巳。領軍將軍新除太常韓伯卒。占經五十。云太白犯東井之應。

韓伯。字康伯。潁川人。好學善言理。歷豫章太守領軍將軍。世說注

康伯清和有思理。幼為舅殷浩所稱。同上

九月癸未。皇后王氏崩。占經四十六。云三年。太白晝見之應。

冬十月。丹陽平陵義興水災。占經二十二。云辰星犯填星之應。

六月。揚荊江州大水。占經二十二。云五年辰星犯填星之應。

以桓伊為豫州刺史。伊字叔夏。譙國人。父景。護軍將軍。伊少有才藝。又善聲律。加以標悟省率。為王濛

劉惔所知。累遷豫州刺史。贈右將軍。世說注

（八月苻堅大舉入寇。遣謝石謝玄桓伊等距之。十一月大破秦兵于肥水。）初苻堅南寇。京師大震。謝

元入問討禦之方。謝安夷然無懼色。方命駕出墅。與兄子玄圍棋。夜還。乃處分。少日皆辦。元等既破賊。有驛書至。安方對客圍棋。看書既畢。攝放牀上。了無喜色。一作容還棋如故。客問之。安徐答云。小兒輩遂已破賊。客罷還。內過戶限。安心喜甚。不覺屐齒之折。其矯情鎮物。高量如此也。御覽四百六十七。世說注四。

苻堅還長安。行至灑池。慕容垂請奉詔書鎮慰北鄙。苻堅之遺慕容垂。侍中權翼諫不聽。于是翼乃夜私遣壯士要窬而擊之。垂是夜夢行路路窮。又見孔子墓傍墳有八覺。而心惡之。召占夢者占之。曰。行路窮道盡也。不可行。孔子名丘。八以配丘。此兵字。路必有伏兵。深宜慎之。于是垂遂別路而進。翼伏兵出。遂爾擒之。御覽四百。

以王國寶爲尙書郎。國寶與道子狎昵。乃譖謝安于道子。使離間之。求進之徒。多毀短安。帝稍疏忌之。右將軍桓伊善音樂。孝武飲燕。謝安侍坐。帝命伊吹笛。伊神色無忤。一作忤既吹爲一弄。乃放笛云。臣于箏乃不如笛。然自足以韻合歌管。臣有一奴。善吹笛。且相便。中請進之。帝賞其放率。聽召奴。奴既至。吹笛。伊撫箏而歌。怨詩。因以諫也。世說注七。

二月桓沖卒。桓沖本以將相異宜。才用不同。忖己德量。不及謝安。故解揚州。以讓安。自謂少經軍鎮。及爲荊州。聞苻堅自出淮肥。深以根本爲慮。遣其隨身精兵三千人赴京師。時安已遣諸君。且欲外示閒暇。因令沖軍還。沖大驚。曰。謝安乃有廟堂之量。不閑將略。吾量賊必破襄陽。而并力淮肥。今大敵果至。方游談

示暇遣諸不經事年少而京師實寡弱天下誰知吾其左衽矣俄聞大勳克舉慚慨而薨

世說注三十三

〔三月以謝安爲太保〕張華死後中台遂拆太元中還陰斂正中國以爲謝太傅祖德之所致也

占經六十七

七

〔王蘊卒〕蘊素嗜酒末年尤甚在會稽略少醒焉

世說注七

十月辛亥日有食之時有張五虎路六根等謀反諸葛侃諉斬之滅其凶黨

占經九

八月謝安薨安弘雅有氣風神調暢也

世說注五

自中原喪亂民離本域江左造創豪族并兼或客寓流離名籍不立太元中外禦強氏蒐簡民實三吳頗加澄檢正其里伍其中時有山湖遁逸往來都邑者後將軍安方接客時人有于坐言宜糺舍藏之失者安每以厚德化物去其煩細又以強寇入境不宜加動人情乃答之云卿所憂在於客耳然不爾何以爲

京都言者有慚色

同上二

晉隆和中河東裴啓撰漢魏以來迄于今時言語應對之可稱者謂之語林時人多好其事文遂流行後說太傅事不實而有人于謝坐敍其黃公酒壚司徒王昉爲之賦謝公加以與王不協乃云君遂復作裴郎學自是衆咸鄙其事矣安鄉人有罷中宿縣還詣安者安問其歸資答曰嶺南凋弊惟有五萬蒲葵扇又以非時爲滯貨安乃取其一中者促之于是京師士庶競慕而取焉價增數倍旬月無賣夫所好生羽

毛所惡成瘡瘡。謝相一言。挫成美于千載。及其所與。崇虛價于百金。上之愛增與奪。可不慎哉。世說注

王獻之少而標邁。不循常貫。而最其勝會。故為中書令。初學記十一

獻之雖不脩常貫。而容止不妄。世說注四

獻之文義並非所長。而能撮其要會。故擅名一時。為風流之冠也。同上五

王獻之為中書令卒。王珉代之。時人曰大小王令。同上二

〔以謝玄為會稽內史。張玄之為吳興太守。〕張玄之。字祖希。吳郡太守澄之孫也。少以學顯。歷吏部尚

書。出為冠軍將軍。吳興太守。與會稽內史謝玄同時之郡。論者以為南北之望。玄之名亞謝玄。時亦稱南

北二玄。卒于郡。世說注二

〔四月尊母李夫人為皇太妃。〕初太宗諸子繼天。乃令扈謙卜云。後房有一女。當誕二男。其一終大盛。

帝乃召相者示諸寵妾。皆曰非其人。又示諸婦。時織坊中有一人。形長色黑。宮人謂之崐崙奴。至相者驚

曰。此其人也。帝以大計幸之。生烈宗也。御覽三百八十八

李太后在會稽王宮。夢兩龍枕膝。日月入懷。其後果以相者之言見幸太宗。凡生烈宗。會稽王道子及鄱

陽公主焉。御覽三百九十八

六月癸酉。太白晝見經天在柳。占經四十六。云應謝堯及劉黎稱號。

〔癸卯徵處士戴逵〕逵善圖畫窮巧丹青也。世說注四

逵不樂當世以琴書自娛隱會稽剡山國子博士徵不就。同上六

十月庚午太白晝見在斗。占經四十六云應謝玄薨及劉黎稱號

左將軍康樂公謝玄薨。占經四十六云十二年太白晝見之應

玄識局真正有經國之才略。世說注四

〔王珉卒〕珉風情秀發才辭富贍。世說注五

珉有儁才與兄珣並其名而聲出珣右故時人爲之語曰法護非不佳阿彌難爲兄。世說注五御

彭城妖賊劉黎稱號謝玄出屯彭城經略中州。置戍而還又卒也占經四十六云十二年太白晝見之應原闕以意旁補以俟考

〔道子驕恣帝不能平欲用王恭殷仲堪爲藩鎮以制之王雅諫不從以王恭都督青兗等州軍事〕初

淮陵內史虞珽子妻裴以尺牘辯利兼服食絕穀常衣黃衣狀若學道司馬道子常延致甚悅其才每與

百官飲宴裴亦預焉悉令與賓客談衆人皆爲降節王恭辭曰恭聞男女之別國之大節未聞宰相之坐

有失行婦人舉坐竦然道子爲慙。御覽四百二十八

孝武好覽文藝詔著作郎徐廣校祕閣四部見書凡三萬六千卷。玉海五十二

以殷仲堪都督荊益寧州軍事仲堪仲文之從兄也少有美譽。世說注五

王謚爲祕書丞。乃表前尙書殷允中書郎張敞太子後率邳儉故太常桓石秀是多書之家。請祕書郎分局採借。御覽二百三十三。

〔姚萇死子興嗣興字略〕姚略好書。有青箱赤軸。書鈔

十月癸酉。熒惑填星太白同在氏房。占經十九。

十一月甲申。熒惑犯鉤鈐。占經三十一。云應帝崩。

三月庚辰。日有食之。占經九。云應帝崩。

九月庚申。帝崩。占經九又三十一。云上帝食及熒惑犯鉤鈐之應。

初帝耽于色。末年殆爲長夜之飲。醒時既少。多居內殿。留連于盤尊之間。時張貴人寵冠後宮。威行闔內。年幾三十。帝妙列伎樂。陪侍嬪少。乃笑而戲之云。汝已年當廢矣。吾已屬諸妹少矣。貴人潛怒。上不覺。上稍醉臥。貴人遂令其婢蒙之以被。既絕。云以壓崩。至丑時方遷登太極前殿。御覽十九。

安帝

三月丙辰。太白犯東井。占經五十。云應殺國寶及緒之應。

王恭等舉兵以討國寶及緒爲名。道子遣使謝恭。故後將軍王國寶於獄賜死。左將軍王緒斬於市也。占經

五十·云上太白
犯東井之應·

道子忌王殷之逼。樹腹心於外。以自衛。王恭深懼禍難。抗表起兵。於是遣左將軍謝琰討恭。恭敗走曲阿。

爲湖蒲尉所擒。初道子與恭善。欲載出都。面相折數。聞西軍之逼。乃令于兒塘斬之。梟首於東桁也。世說注八

道子使閒桓玄制仲堪。內雖疑阻。而勢猶合。乃加玄都督。玄因襲江陵。仲堪遇害。仲堪父曾有失心病。仲

堪腰不解帶。彌年父卒。世說注八

〔王珣卒〕王珣嘗之吳郡。就汰公道人宿。汰公設豆藿糜。汰公自噉一大甌。珣強進半甌。須臾珣設精

饌。果炙畢備。汰公都無所噉。書鈔

〔謝琰爲孫恩所敗死之〕會稽太守謝琰拒孫恩。恩帳下都督張猛於後斫馬。琰墮地。遂殺之。高祖左

里之捷。生禽猛。遂琰小子混。混刳肝生食之。御覽三百七十六

〔八月王雅卒〕王雅字茂德。東海郟人。爲右僕射。文選奏彈王源注

〔十二月元顯解錄尚書。復加尚書令。吏部尚書車胤以其驕恣。白道子請抑之。元顯謂其徒曰。胤聞我

父子胤懼自殺。胤既博學多聞。又善於激賞。當時每有盛坐。胤必同之。皆云無車公不樂。太傅公即道子

遊集之日。開筵以待之。累遷丹陽尹。護軍將軍。吏部尚書。世說注四

〔孫恩陷滬瀆。袁山松死之〕山松。陳郡人。祖喬。益州刺史。父方平。義興太守。山松歷祕書監。吳國內史。

孫恩作亂見害世說注七

袁山松善音樂。北人舊曲歌有行路難曲。辭頗疏質。山松好之。乃爲文其章句。婉其節制。每因酒酣從而歌之。聽者莫不流涕。初羊曇善唱樂。桓伊能挽歌。及山松以行路難繼之。時人謂之三絕。世說注七。御覽五百五十二。

〔以元顯爲驃騎大將軍討桓玄〕殷仲文。字仲文。陳郡人。祖融。太常。父康。吳興太守。世說注二。仲文雅有才藻。著文數十篇。世說注三。爲驃騎行參軍。以桓玄之姊夫。左遷新安太守。井作注末句脫。依事旁補以俟攷九。

〔王師敗績元顯遇害玄自總百揆〕仲文聞玄平京邑。棄郡投焉。玄甚悅之。引爲咨議參軍。時王謐見禮而不親。卞範之被親而少禮。其寵遇隆重。兼於王卞矣。世說注二。

〔玄以牢之爲會稽內史牢之自殺〕劉牢之。字道堅。彭城人。世以將顯。父遁。征虜將軍。牢之沈毅多計。數爲謝玄參軍。苻堅之役。以驍猛成功。及平王恭。轉徐州刺史。桓玄下都。以牢之爲前鋒。行征西將軍。玄至歸降。用爲會稽內史。欲解其兵。奔而縊死。世說注三。

〔十一月玄逼帝禪位遷帝於永安宮孔璞奉梁王奔壽陽〕梁王珍之。字景度。世說注六。

〔十二月〕玄僭位。以仲文爲長史。文選南州桓公九。井作注。玄篡位。仲文以佐命親貴。厚自封崇。輿馬器服。窮極綺麗。後房妓妾數十。絲竹不絕音。性甚貪吝。多納賄。

賂家累千金。常若不足。世說注

〔舉王談爲孝廉不應〕王談年十許歲。父爲隣人竇度所殺。談陰有復讎之志。年十八。密貴市利。插刀陽若爲耕耘者。度常乘船出入。經一橋下。談伺度行還。於橋上以插斬之。應手而死。旣而歸罪有司。太守孔巖義其孝男。列上宥之。御覽四百八十二

〔劉裕何無忌劉毅魏詠之等舉義兵〕何無忌母。劉牢之姊也。無忌與宋高祖謀。夜於屏風裏制檄文。母潛橙登於屏風上窺之。旣知其事。大喜謂曰。汝能如此。吾讎恥雪矣。類聚五十六。御覽五百九十四。又七百一。又七百六十四。

劉毅至黑。時人謂之鐵色。御覽三百八十八

魏詠之生而免黜。相者云。後當貴。年十八。聞荊州殷仲堪帳下有術人能治之。因西上。仲堪與語。令師看焉。師曰。可割補之。但應百日食粥。不語笑。詠之曰。半年不語。亦當治之。況百日也。師爲治而差。御覽七百四十

〔裕等入京口斬桓修以徇〕修少爲玄所侮。於言端常嗤鄙之。世說注

〔五月劉毅及玄戰於嶧洲大破之〕玄旣敗仲文。奉何王二后先投義軍。累遷侍中尙書。世說注

玄欲奔漢中。益州督護馮遷斬玄於貊盤洲。桓玄庶母馬氏。本袁真之妓也。與同列薛氏郭氏夏夜同出。月下。有銅瓮。水在其側。見流星墮瓮中。驚喜共視。見星如二寸火珠。於水底罔然明淨。乃相謂曰。此吉祥也。誰當應之。於是薛郭更以瓢杓接收。並不得。馬最後取星。正入瓢中。便飲之。旣而若有感焉。俄而懷玄。

玄雖篡位不終而數年之中榮貴極矣。類聚一百五十八。御覽五又七。編珠一。

桓玄在姑熟起齋畫爲龍名曰盤龍齋及敗劉毅居之劉一字盤龍。占經一百四十四。

〔三月帝至建康〕帝初反正仲文抗表自解尙書。文選解尙書表注。

〔以盧循爲廣州〕盧循爲廣州州無麵每得分餉未周遍文武則不食也。其仁如此。御覽二百八十。

五月玄餘黨桓亮苻宏等寇湘州劉毅等討平之桓亮字景真大司馬溫之孫父濟給事中叔父玄篡逆

見誅亮屯兵於長沙自號湘州刺史殺太宰甄恭衡陽前太守韓繪之等十餘人爲劉毅軍人郭珍斬之。

世說注。

宏苻堅太子也堅爲姚萇所殺宏將母妻來投詔賜田宅。世說注八。

〔是年〕雲都高山有金雞青黃色飛集巖谷間。白帖八。

〔以顧愷之爲散騎常侍〕愷之矜伐過實諸年少因相稱譽以爲戲弄爲散騎常侍與謝瞻連省夜於

月下長詠自云得先賢風致瞻每遙稱贊之愷之得此彌自力忘倦瞻將眠語搥脚人令代焉愷之不覺

有異遂幾申旦而後止。世說注三。御覽四百九十九。

愷之圖寫特妙。世說注七。

〔閏二月殺殷仲文〕仲文出爲東陽太守愈益憤怒後照鏡不見其面數日而禍及。文選南州桓公九。非作注。

以罪伏誅。世說注二。

〔四月孔安國卒〕孔安國，字安國，會稽山陰人。車騎愉第六子。少而孤貧，能善樹節，以儒素見稱。歷侍

中太常尚書，遷左僕射特進卒。世說注一。

〔九月裕矯詔謂劉毅構逆，南夏藩混助亂，害劉藩及謝混〕謝混，字叔源，求領戎行，拜征虜將軍。書鈔

太尉伐羌於濟口，入河索虜，遣將鵝青將步騎十萬於河北，聲云救羌。太尉遣隊主丁旡以車五百乘上

北岸爲卻月陣，相去一步，車置七人，授以長白旄。命朱超石馳赴之。魏兵奔潰。斬青。將阿薄干。

十二月帝崩。

恭帝

〔立皇后褚氏〕褚爽，字茂弘，河南人。太傅裒之孫，祕書監韶之子。太傅謝安見其少時，嘆曰：「若期生不
佳，我不復論士。」及長，果俊邁，有風氣。好老莊之言，當世榮譽，弗之屑也。唯與殷仲堪善，累遷中書郎、義興

太守，女爲恭帝皇后。世說注四。

王宏爲江州刺史，陶潛九月九日無酒，於宅邊東籬下菊叢中摘盈把，坐其側，未幾，二字一作久之。望見一白

衣人至，乃刺史王宏送酒也。卽便就酌而後歸。初學記四。御覽三十。又九百九十六。

江州刺史王宏造陶淵明。淵明無履。宏從人脫履以給之。語左右爲彭澤作履。左右請履度。淵明於衆坐。申腳令度。及履至。着而不疑。御覽六百九十七。

六月禪宋。

初安皇不慧。起居動止。不自己出。帝每侍左右。雖溫涼飢飽之中。而恭謹備焉。時人稱其順悌。又雅信佛教。捐財貨十萬。造丈六金像於瓦官寺。齋日迎像入宮。步從十許里。安皇帝歸陵。有詔當出送。八座奏諫。以爲宜加珍攝。乃止。御覽一百。

隋郡上甘露降攝陽縣。垂禾露凝十餘里。初學記二。故附于未。俟檢錄正。